

史
通
削
繁

史通削繁卷二

言語

蓋樞機之發榮辱之主。言之不文。行之不遠。則知飾詞專對。古之所重也。夫上古之世。人惟朴畧。言語難曉。訓釋方通。是以尋理則事簡而意深。考文則詞艱而義釋。若尙書載伊尹之訓。皐陶之謨。洛誥。康誥。牧誓。秦誓。是也。周監二代。郁郁乎文。大夫行人。尤重詞命。語微婉而多切。言流靡而不淫。若春秋載呂相絕秦。子產獻捷。滅孫諫君納鼎。魏絳對戮楊干。是也。戰國虎爭。馳說雲湧。人持弄丸之辯。家挾飛鉗之術。劇談者以譎誑爲宗。利

爲兼用宜僚
事謬也

史通削繁

卷二

口者以寓言爲主。若史記載蘇秦合從。張儀連橫。范雎
反間。以相秦。魯連解紛。而全趙是也。逮漢魏已降。周隋
而往。世皆尙文。時無專對。運籌畫策。自具於章表。獻可
替否。總歸於筆札。宰我子貢之道不行。蘇秦張儀之業
遂廢矣。是以歷選載言。布諸方冊。自漢已下。無足觀焉。
尋夫戰國已前。其言皆可諷詠。非但筆削所致。良由體
質素美。何以覈諸至如鵠。賁。鸛。鵒。童。豎之謠也。山木輔
車。時俗之諺也。幡腹棄甲。城者之謳也。原田是謀。輿人
之誦也。斯皆芻詞鄙句。猶能溫潤。若此。况乎束帶立朝
之士。加以多聞博古之識者哉。則知時人出言。史官入

此亦有身之
言若爲七子
發覆也然宋
人以語錄著
書究乖文章
之體而帝京
景物畧載元
碑以爲嫌焉
此中固有持
平之道未可
一概拘之

記雖有討論潤色終不失其梗槩者也。夫三傳之說既
不習於尙書兩漢之詞又多違於戰策足以驗毗俗之
遞改知歲時之不同而後來作者通無遠識記其當世
口語罕能從實而書方復追効昔人示其稽古是以好
邱明者則偏摸左傳愛子長者則全學史公用使周秦
言辭見於魏晉之代楚漢應對行乎宋齊之日而僞修
混沌失彼天然今古以之不純真僞由其相亂故裴少
期譏孫盛錄曹公平素之語而全作夫差亡滅之詞雖
言似春秋而事殊乖越者矣。唯王宋著書敘元高時事
抗詞正筆務存直道方言世語由此畢彰而今之學者

皆尤二子以言多滓穢語傷淺俗夫本質如此而推過史臣猶鑑者見嫫姆多媿而歸罪於明鏡也又世之議者咸以北朝衆作周史爲工蓋賞其記言之體多同於古故也夫以枉飾虛言都捐實事便號以良直師其模楷是則董狐南史舉目可求班固華嶠比肩皆是者矣近有燉煌張太素中山郎餘令並稱述者自負史才郎著孝德傳張著隋後畧凡所撰今語皆依倣舊辭若選言可以効古而書其難類者則忽而不取料其所棄可勝紀哉蓋江革罵商臣曰呼役夫宜君王廢汝而立職漢王怒酈生曰豎儒幾敗乃公事單固謂楊康曰老奴

老奴寧馨二
語今亦覺其
雅矣子元之
說不其然乎

汝死自其分。樂廣歎衛玠曰。誰家生得寧馨兒。斯並當時侮嫚之詞。流俗鄙俚之說。必播以屑吻。傳諸諷誦。而世人皆以爲上之二言。不失清雅。而下之兩句。殊爲魯朴者。何哉。蓋楚漢世隔。事已成古。魏晉年近。言猶類今。已古者。卽謂其文。猶今者。乃驚其質。夫天地長久。風俗無恆。後之視今。亦猶今之視昔。而作者皆怯書今語。勇効昔言。不其惑乎。蓋善爲政者。不擇人而理。故俗無情。麤咸被其化。工爲史者。不選事而書。故言無美惡。盡傳於後。若事皆不謬。言必近真。庶幾可與古人同居。何止得其糟粕而已。

呂相絕秦

左傳成公十三年

子產獻捷

左傳襄公二十五年

臧孫諫君

納鼎

左傳桓公二年

魏絳對戮楊干

左傳襄公三年

弄丸飛鉗

文心雕龍

論說

蘇秦張儀受掉闔之術又受轉丸眩筵二章按弄

序兼用

莊子市南宜僚事鵲奔

左傳僖公五年童謠

鬼谷子

有飛箱篇箱鉗通

鵲奔左傳僖公五年童謠

均服振振

取號之旂鵲之責責

鵲奔左傳昭公二十年

天策燉燉

火軍號公其奔

鵲奔左傳昭公二十年

童謠有之

曰之鵲之公出辱之

鵲奔左傳昭公二十年

野往饋之

馬鵲鵲之公出辱之

鵲奔左傳昭公二十年

翼往哉遙遙

獨父喪勞來父

山木左傳隱公十一年

以驕鸛鸛鸛

鸛鸛往歌來哭

山木左傳隱公十一年

木工則度之

賓輔車左傳僖公五年

諺所謂輔車相

有禮主則擇之

輔車左傳僖公五年

諺所謂輔車相

燔腹棄甲而復

於思於思棄甲復來

原田左傳僖公

聽與人之誦曰

原田每混沌莊子天地篇子貢南遊

於楚過漢陰見一丈人

方將為圃畦鑿隧而人非抱甕而出灌指捐然用力甚多而見功寡子貢曰有械於此鑿木為機後重前輕挈水若抽其名為槔為圃者作色而笑曰吾聞之有機械者必有機事有機事者必有機心吾羞而不為也子貢反於魯以告孔子孔子曰彼假修渾沌氏之術者也識其一不知其二治其內不治其外按渾通裴譏孫盛魏志武帝紀注孫盛魏氏春秋云答諸以爲孫盛製書多用左氏以易舊文後之學者將何取信哉且魏武方以天下勵志而用夫差分死之言尤非其類按裴松之王宋著書王勸齊志宋孝王飾字世期唐諱世作少

虛名都捐實事

原注如周太祖實名黑獺魏本索頭故當時有童謠曰狐非狐貉非貉

梨狗子嚙斷索又曰獲獲頭團樂河中狗子破爾菴又西帝下詔罵齊神武數其罪二十諸如此事雖可棄遺而周史以爲其事非雅畧而不載賴君懋編錄故得權聞於後其事不傳於北齊因而埋沒者蓋亦多矣張太素唐書張公瑾傳子太素龍朔中東臺舍人兼修國史著書百餘篇通志畧太素著北

齊書二十卷隋書三十二卷隋後畧十卷郎餘令唐燉煌張氏家傳二十卷又見史官建置篇
儒學傳郎餘令授霍王元軌府參軍事從父知年亦
爲王友元軌每日郎家二賢皆入府不意培塿而松
柏爲林餘令以梁元帝有孝德傳江革罵商臣左傳
更撰後傳數十篇改著作佐郎
元漢王怒酈生史記留單固楊康魏志王陵傳注魏
年恭夏有器實兗州刺史合孤愚辟爲別駕與從事楊
康並爲腹心後愚與王陵通謀康固皆知其計康至
洛陽露其事太傅東取固問曰卿知其事邪令孤反
乎固故云無有康與固對相詰乃罵康曰老庸既負
使君又滅我族顧汝富活耶初楊康自以白其事冀
得封拜後亦并斬臨別固又罵康曰老奴汝死自分
耳何面目樂廣衛玠晉書樂廣傳廣字彥輔與王衍
行地下也樂廣衛玠俱宅心事外天下言風流者王
樂稱首焉衛玠傳玠字叔寶風神秀異妻父卽樂廣
也時謂婦公冰清女壻玉潤按二傳俱無寧馨兒語
其語今見王衍傳衍總角造山濤濤嗟歎曰
爾送之曰何物老嫗生寧馨兒史通似誤

浮詞

張本字出杜
民左傳註終
言亦村氏註
文

昔尼父裁經義在褒貶明如日月持用不刊而史傳所
書貴乎博錄而已至於本事之外時寄抑揚此乃得失
稟於片言是非由於一句談何容易可不慎歟但近代
作者溺於煩富則有發言失中加字不愜遂令後之覽
者難以取信蓋古之記事也或先經張本或後傳終言
分布雖疎錯綜逾密今之記事也則不然或隔卷異篇
遽相矛盾或連行接句頓成乖角是以齊史之論魏收
良直邪曲三說各異周書之評太祖寬仁好殺二理不
同非惟言無準的固亦事成首鼠者矣亦有開國承家

美惡昭露而輕事塵黜曲加粉飾求諸近史此類尤多如魏書稱登國以鳥名官則云好尚淳朴遠師少皞述道武結婚蕃落則曰招攜荒服追慕漢高自餘所說多類於此案魏氏始興邊朔少識典墳作儷蠻夷抑惟秦晉而鳥官創置豈關郊子之言髦頭而偶奚假奉春之策奢言無限何其厚顏又周史稱元行恭因齊滅得回庾信贈其詩曰虢亡垂棘反齊平寶鼎歸陳周宏正來聘在館贈韋復詩曰德星猶未動真車詎肯來其爲信宏正所重如此夫文以害意自古而然擬非其倫由來尚矣必以庾周所作皆爲實錄則其所褒貶非止一人

此一段非論高士傳乃借以言加減之不可輕易如前篇之引原涉葛翼耳二田誤以爲正文故疑其質誤矣

成宜取其指歸何止採其四句而已。夫詞寡者出一言而已。周才蕪者資數句而方決。案左傳稱絳父論甲子隱言於趙孟。班書述楚老哭龔生。莫識其名氏。苟舉斯一事則觸類可知。至嵇康皇甫謐撰高士記各爲二叟立傳。全採左班之錄。而其傳論云二叟隱德容身不求名利。避遠亂害。安於賤役。夫探揣古意而廣足新言。此猶子建之詠三良。延年之歌秋婦。至於臨穴淚下。閨中長歎。雖語多本傳。而事無異說。蓋鳬脰雖短。續之則悲。史文雖約。增之反累。加減前哲。豈容易哉。昔夫子斷唐虞以下迄於周。剪裁浮詞。撮其機要。故帝王之道坦然。

明白嗟乎。自去聖日遠。史籍逾多。得失是非。孰能刊定。假有才堪釐革。而以人廢言。此繞朝所謂勿謂秦無人。吾謀適不用者也。

三說各異

原注李百藥齊書序論魏收云。若使子孫

入相如之室。游尼父之門。但志存實錄。好抵陰私。於

爾朱暢傳又云。收受暢財賄。故為榮傳多減其惡。是

謂三說各異。按北齊書暢雙名文暢。二理不同。原注

受金語在其弟文畧傳。文亦不同。德葵周書元偉傳。稱文帝不害諸元。則云太祖天縱

寬仁。性罕猜忌。於本紀論又云。潛宮制勝。閭城拏戮。茹茹歸命。盡種誅夷。雖事出權道。而用乖於德教。是

謂二理不同。按本注句。複字脫多。不成語。今據周書

正首鼠

史記灌夫傳武安侯召御史大夫載怒。登國

名官

魏書官氏志天賜元年。欲法古純質。每於制定

官號。皆擬遠古雲鳥之義。諸曹走使。謂之鳬鴨。

取飛之迅疾以伺察為候官謂之白鷺取其延頸遠望自餘諸官義皆類此按登國道武初元舉以慨後也少皞事**道武結婚**魏書崔元伯傳太祖曾引元伯見書志篇**公主妻匈奴善之嗟歎者良久是****髦頭**晉書天文志以諸公主皆釐降於賓附之國**耳也又為髦頭胡星也魏書天象志皇始元年****奉春****之策**漢書劉敬傳上曰本言都秦地者婁敬與者乃北邊劉敬曰陛下誠能以適長公主妻之厚奉賂之彼知漢女送厚蠻夷必慕以為閼氏生子必為太子代單于豈嘗聞外孫**元行恭**周書元偉傳偉字猷道敢與大父抗禮者哉**元行恭**為使主報聘於齊是秋高祖親戎東討偉為齊所執齊平偉方見釋偉性好虛靜政事之暇未嘗棄書初自鄴還也庾信贈其詩云云**按猷道史通作****周宏正**周書偉傳復字敬遠行恭豈牛宏本然耶**周宏正**志尚夷簡所居之宅枕帶林泉明帝號之曰逍遙公陳造其尚書周宏**正來聘造夏後請復至賓館宏正贈詩云云****絳父**

卽絳縣老楚老漢書兩龔傳兩龔皆楚人也勝字君實舍字君倩世謂之楚兩龔王莽旣
見二體篇遣使者奉璽書卽拜勝不復開口飲食死有老
墓國遺使者奉璽書卽拜勝不復開口飲食死有老
父來弔哭甚哀旣而日嗟序薰以香自燒膏以明自
銷遂趨而出詠三良文選曹子建三良詩攬歌秋婦
莫知其誰涕登君墓臨穴仰天歎歌秋婦
宋書顏延之傳延之字延年獨酌郊野當其得意旁
若無人後秋胡詩有歲暮臨空房句所謂閨嘆也秋
胡事詳後鼻脛莊子駢拇篇鼻脛雖短續之
品藻篇鼻脛則憂鶴脛雖長斷之則悲

一本無要字
簡而能要乃
非苟簡無要
字則語意不
完

論者以事增
文省爲新唐
書之文自
一理要之
清之功不可
沒也魏晉書
以下之無補
乃知之矣不
必過爲高論
動引公穀辨

敘事

夫敘事之體其流甚多。非復片言所能覲縷。今輒區分
類聚。定爲三篇。列之於下。夫國史之美者。以敘事爲工。
而敘事之工者。以簡要爲主。簡之時義大矣哉。歷觀自
古作者。權輿尙書。發蹤所載。務於寡事。春秋變體。其言
貴於省文。斯蓋澆淳殊致。前後異跡。然則文約而事豐。
此述作之尤美者也。始自兩漢。迄乎三國。國史之文。日
傷煩富。逮晉已降。流宕逾遠。尋其冗句。摘其煩詞。一行
之間。必謬增數字。尺紙之內。恆虛費數行。夫聚蚊成雷。
羣輕折軸。況於章句不節。言詞莫限。載之兼兩。曷足道

哉。蓋敘事之體其別有四。有直紀其才行者。有唯書其事跡者。有因言語而可知者。有假讚論而自見者。至於古文尚書稱帝堯之德。標以允恭克讓。春秋左傳言子太叔之狀。目以美秀而文。所稱如此。更無他說。所謂直紀其才行者。又如左氏載申生爲驪姬所譖。自縊而死。班史稱紀信爲項籍所圍。代君而死。此則不言其節操。而忠孝自彰。所謂唯書其事跡者。又如尚書稱武王之罪紂也。其誓曰。焚炙忠良。剝剔孕婦。左傳紀隨會之論楚也。其詞曰。篳路藍縷。以啓山林。此則才行事跡莫不闕如。而言有關涉事。便顯露。所謂因言語而可知者。又

如史記衛青傳後。太史公曰。蘇建嘗責大將軍不薦賢待士。漢書孝文紀末。其讚曰。吳王詐病不朝。賜以几杖。此則傳之與紀。並所不書。而史臣發言。別出其事。所謂假讚論而自見者。然則才行事跡言語讚論。凡此四者。皆不相須。若兼而畢書。則其費尤廣。但自古經史通多此類。能獲免者。蓋十無一二。又敘事之省。其流有二焉。一曰省句。二曰省字。如左傳宋華耦來盟。稱其先人得罪於宋。魯人以爲敏。夫以鈍者稱敏。則明賢達所嗤。此爲省句也。春秋經曰。隕石於宋五。夫聞之隕。視之石。數之五。加以一字太詳。減其一字太畧。求諸折中。簡要合

理此爲省文也。其有反於是者。若公羊稱郅克眇。季孫行父禿。孫良夫跛。齊使跛者逆跛者。禿者逆禿者。眇者逆眇者。蓋宜除跛者已下句。但云各以其類逆。必事加再述。則於文殊費。此爲煩句也。漢書張蒼傳云。年老口中無齒。蓋於此一句之內。去年及口中可矣。夫此六文成句。而三字妄加。此爲煩字也。然則省句爲易。省字爲難。洞識此心。始可言史矣。苟句盡餘。牘字皆重複。史之煩。無職由於此。蓋餌巨魚者。垂其千鈞。而得之在於一筌。捕高鳥者。張其萬罟。而獲之由於一目。夫敘事者。或虛益散辭。廣加閑說。必取其所要。不過一言一句耳。苟

既執上似脫
 魚鳥二字
 此即陸機片
 言居要劉勰
 寸樞轉關寸
 韓制軸之說
 崑園先生以
 一筌一目不
 可以得魚鳥
 議之未免吹
 求如顧之
 稱四體妍媸
 無關妙處豈
 真不若顧體
 而但照二目
 詩文意遠大
 抵無句可摘
 上衡宗查集
 裂之說終是

能同夫獵者漁者。既執而置釣必收。其所留者。唯一筌
 一目而已。則庶幾駢枝盡去。而塵垢都捐。華逝而實存。
 滓去而滓在矣。嗟乎。能損之又損。而元之又元。輪扁所
 不能語斤。伊摯所不能言鼎也。夫飾言者為文。編文者
 為句。句積而章立。章積而篇成。篇目既分。而一家之言
 備矣。自聖賢述作。是曰經典。句皆韶夏。言盡琳瑯。秩秩
 德音。洋洋盈耳。譬夫游滄海者。徒驚其浩曠。登太山者。
 但嗟其峻極。必摘以尤。最不知何者。為先。然章句之言。
 有顯有晦。顯也者。繁詞縟說。理盡於篇中。晦也者。省字
 約文。事溢於句外。然則晦之將顯。優劣不同。較可知矣。

魏晉以下法

門

顯晦云云即

彥和隱秀之

旨

古文皆當作

如是觀

斥苦當作非

斥

于元氣頗
重難得此深
細之言

昔古文義務却浮詞。虞書云：帝乃殂落，百姓如喪考妣。
夏書云：啓呱呱而泣，予不子。周書稱：前徒倒戈，血流漂
杵。虞書云：四罪而天下咸服。此皆文如潤畧而語實。周
瞻故覽之者，初疑其易而爲之者，方覺其難。固非雕蟲
小技，所能斥苦其說也。旣而丘明受經，師範尼父，雖繁
約有殊，而隱晦無異。故其綱紀而言，邦俗也，則有士會
爲政；晉國之盜，奔秦；邢遷如歸；衛國忘亡，其欵曲而言
人事也，則有犀革裹之，比及宋，手足皆見；三軍之士，皆
如挾纊，斯皆言近而旨遠，辭淺而義深。雖發語已殫，而
含意未盡，使夫讀者望表而知裏，捫毛而辨骨，覩一事

於句中反三隅於字外晦之時義不亦大哉。洎班馬三史雖多謝五經必求其所長亦時值斯語。至若高祖亡蕭何如失左右手漢兵敗績睢水爲之不流董生乘馬三年不知牝牡翟公之門可張雀羅則其例也。自茲已降史道陵夷作者蕪音累句雲蒸泉湧其爲文也大抵編字不隻捶句皆雙修短取均奇偶相配故應以一言蔽之者輒足爲二言應以三句成文者必分爲四句彌漫重沓不知所裁是以處道受責於少卿子昇取譏於君懋非不幸也。蓋作者言雖簡畧理皆要害故能疎而不遺儉而無闕譬如用奇兵者持一當百能全克敵之

儻體不免隸
事散文則塗
飾字句最爲
醜態苟非作
者率不免俗
夫俗語之爲
俗人所易見
而雅言之爲
俗人多不知
子元此論可
謂切中膏肓

功也。若才乏儻穎，思多昏滯，費詞旣甚，敘事纔周，亦猶
售鐵錢者，以兩當一方，成買遷之價也。是則一貴一賤，
不言可知。無假推揚，而其理自見矣。昔文章旣作，比興
由生，鳥獸以婉賢愚，草木以方男女，詩人騷客，言之備
矣。洎乎中代，其體稍殊，或擬人必以其倫，或述事多比
於古。當漢氏之臨天下也，君實稱帝，理異殷周，子乃封
王，名非魯衛，而作者猶謂帝家爲王室，公輔爲王臣，盤
石加建侯之言，帶河申俾侯之誓，而史臣撰錄，亦同彼
文章，假托古詞，翻異今語，潤色之濫，萌於此矣。降及近
古，彌見其甚。至如諸子短書，雜家小說，論逆臣則呼爲

此論允概

此種塗飾尤
可厭二田以

問鼎稱巨寇則目以長鯨。邦國初基。皆云草昧。帝王兆
跡。必號龍飛。斯並理兼諷諭。言非指斥。異乎游夏措詞。
南董顯書之義也。如魏收代史。吳均齊錄。或牢籠一世。
或苞舉一家。自可申不刊之格言。宏至公之正說。而收
稱劉氏納貢。則曰來獻百牢。均敘元日臨軒。必云朝會
萬國。夫以吳徵魯賦。禹計塗山。持彼往事。用爲今說。置
於文章。則可施於簡冊。則否矣。亦有方以類聚。譬諸昔
人。如王隱稱諸葛亮挑戰。冀獲曹咎之利。崔鴻稱慕容
冲見幸。爲有龍陽之姿。其事相符。言之謹矣。而盧思道
稱邢邵喪子。不慟。自東門吳已來。未之有也。李百藥稱

爲未允何也

嘉隆七子好
用古官名古
地名情其不
見此書

王琳雅得人心。雖李將軍恂恂善誘。無以加也。斯則虛
引古事。妄足庸音。苟矜其學。必辨而非當者矣。昔禮記
檀弓。工言物始。夫自我作故。首創新儀。前史所刊。後來
取證。是以漢初立轡。子長所書。魯始爲髻。丘明是記。河
橋可作。元凱取驗於毛詩。男子有笄。伯支遠徵於內。則
卽其事也。案裴景仁秦記。稱符堅方食。撫盤而詬王劭。
齊志述洛干感恩脫帽而謝。及彥鸞撰以新史。重規刪
其舊錄。乃易撫盤以推案。變脫帽爲免冠。夫近世通無
案。食胡俗不施冠冕。直以事不類古。改從雅言。欲令學
者何以考時俗之不同。察古今之有異。至如翼捷道武。

唐人方朔葛亮之類又從此濫觴也

其言深切而
俗
皆明可以証

原諱黑獺周文本名而伯起革以他語德蔡闕而不載
蓋厯降崩賸字之媼也重耳黑臀名之鄙也舊皆列以
三史傳諸五經未聞後進談講別加刊定況齊丘之犢
彰於載識河邊之狗著於謠詠明如日月難爲蓋藏此
而不書何以示後亦有氏姓本複減省從單或去万紐
而留千或止存狄而除厘求諸自古罕聞茲例昔夫子
有云文勝質則史故知史之爲務必藉於文自五經已
降三史而往以文敘事可得言焉而今之所作有異於
是其立言也或虛加練飾輕事雕彩或體兼賦頌詞類
俳優文非文史非史譬夫烏孫造室雜以漢儀而刻鵠

不成反類於驚者也

覲纓覲本音書傳咸疏臣前所以不羅纓者莫因結奏得

從私願也金陸成雷漢書中山靖王傳泉煦漂折軸

字考次序也國策張儀說魏積羽筆輅左傳宣公十二年

舟羣輕折軸衆口鑠金籃輅樂武子曰楚自克

庸以來在軍無日不計軍實而申傲之訓之以筆輅

籃纓以啓山林按是藥書語非士會語二人皆稱武

子所以兼而畢書原注近史純傳欲言人居哀毀損

誤也書則先云篤志好學欲言人赴敵不顧則先云武藝

絕倫欲言人下筆成篇則先云文章敏速此則既述
才行又彰事跡也如穀梁傳云驪姬以飲爲酒藥脯
以毒獻公田來驪姬曰世子已祀故致福於君君將
食驪姬跪曰食自外來者不可不試也覆酒於地而
地墳以脯與犬犬大駭驪姬下堂而啼呼曰天平天乎
國子之國也子何遲乎爲君又禮記云陽門之介夫
死司城子罕入而哭之哀晉人之覲宋者反報於晉

侯曰陽門之介夫死而子罕哭之哀而民說殆不可
伐也此則既書事跡又載言語也又近代諸史人有
行事美惡皆已具其紀傳中續以讚論重述前事此
則才行事跡紀傳已書讚論又載也按此注舊本多
譌今照傳經史通多此類原注公梁禮新序說苑戰
記改正皇家所撰五獲免者十無一二原注唯左丘明裴
代史皆有之人以為敏傳文公十五年宋華耦來盟公與之宴辭
曰君之先臣督得罪於宋殤公名在諸侯之策臣承
其祀其敢辱君魯人以爲敏君子不與公羊稱郤克眇梁傳
也按禮疏魯人魯鈍之人公羊稱郤克眇成公元
年季孫行父禿晉郤克眇衛孫良夫跛同時而聘於
齊云云公羊傳成公二年客或跛或眇於是使跛者
逐跛者眇者逐眇者按史通所口口無齒漢書張蒼
引是穀梁非公羊傳寫誤也口中無齒傳免相後
口中無齒食乳按句上無年老字又按本傳全錄史
記史記有老字無年字豈唐初寫本漢書有此二字

耶輪扁

莊子天道斲輪徐則甘而不固疾則苦而不能言

伊摯

使記殷本紀伊尹名阿衡索隱孫子兵書伊尹

主味曰鼎中之變精妙微纖口弗能言志晉盜奔秦

弗能喻按輪扁二句木文心雕龍神思篇左傳宣公十六年晉侯請於王以散晁命士會邢遷

如歸

儀二年封衛於楚邱邢遷如歸衛國忘亡犀

革

左傳莊公十二年宋萬弑閔公於蒙澤奔陳宋人

請萬於陳以賂陳人使婦人飲之酒而以革裹

之比及宋手足挾纊左傳宣公十二年楚子伐蕭申

皆見宋人臨之挾纊公巫臣曰師人多寒王巡三軍

捐而勉之三軍高祖亡蕭何史記淮漢兵敗績史記

本不知牝牡

王訓故鄒子董仲舒勤學三年不窺園

紀一可張雀羅漢書汲鄭傳兩人中廢賓客益落先

句

廢門外可張博羅後復為廷尉客欲往范公大署其
門曰一死一生遇知交情一貧一富遇知交態一貴
一賤交處道阮籍共撰魏書多為時諱未若陳壽之
情遇見處道阮籍共撰魏書多為時諱未若陳壽之
實錄也按木文句下原注云魏書鄧哀王傳曰容貌
姿美有外於眾故特見寵異裴松之曰一類之言而
分以為三亦敘屬之一病也此本引裴松之評王沈
書語或妄意裴是注三國者遂改處道為承祥并改
注內魏書為魏志而又脫去有殊於眾兩言子昇原
使一類分三句無著文義全失矣今是正之子昇原
王劭齊志曰時議恨邢子才不得掌與魏之書帳快
溫子昇亦若此而撰永安記率是支言魏書文苑傳
溫子昇字鵬舉永熙中散騎常侍濟陰王暉業嘗云
江左文人頗延之謝靈運沈約任昉我子昇足以
陵顏慄謝吐沈含任宋游魏收代史元魏初來獻百
道集其文筆為三十五卷魏收代史元魏初來獻百
年魏書太武帝太平真君十一年與駕南伐劉義隆
使獻百半賞其方物按川左傳哀公七年夏公會
吳於郕吳來徵之朝會萬國正月賜附國大渠帥朝歲
百年語故譏之

首者給帛金蜀有差而文乃言高齊事考齊書無元
日會萬國明文當是臣僚賀表中語惜吳均齊錄不
可得諸葛挑戰魏志注晉陽秋曰諸葛亮寇於郿據
見也諸葛挑戰
怒冀獲曹咎之利史記項羽紀項王謂大司馬曹咎
曰謹守成阜漢欲挑戰慎勿與戰漢果數挑戰楚軍戰
楚軍不出使人辱之大司馬怒渡兵
汜水半渡漢擊之大破楚軍咎自到
慕容冲慕容冲
滅燕慕容冲姊為清河公主年十四有殊色堅納之
龍冠後庭冲年十二亦有龍陽之姿堅又幸之姊弟
專寵長安歌之曰一雌復一雄雙飛入紫宮戰國
魏策魏王與龍陽君共船而釣得為王拂枕席開
邵喪子北齊書邢邵傳邵字子才養孤子恕慈愛特
及卒痛悼雖甚不再哭其高情達識聞遺滯累東門
吳以還所未有也戰國秦策梁人有東門吳者其子
死而不憂其相室曰公子愛子也死而不憂何也東
門吳曰吾嘗無子無子之時不憂今與無子時同也
奚憂王琳得人心
焉北齊書王琳傳琳字子珩鎮壽陽
輕財愛士得將卒之心既及於難

當時田夫野老知與不知莫不為之歔歔流涕觀其誠信感物雖李將軍之恂恂善誘殆無以加焉按李

將軍廣事漢初立時漢書高帝紀八年十一月令士

具史記漢初立時卒從軍死者為櫓歸其縣縣給

衣衾棺槨具注應劭曰櫓小棺也郭評史通作轉給

車軸也又考史記無此事當以云漢初立櫓孟堅所

書魯始為槨左傳襄公四年邾莒伐郕滅紇救郕敗

於狐貍國人從喪者皆墨魯於是乎始

墨杜注墨麻髮介結也喪多不能備因服檀弓鄭注

去纚而紒曰墨纚黑紒音計按左傳合男女言檀

弓以為婦作河橋晉書杜預傳預字元凱杜陵人預

人弔也作河橋以孟津渡險請建河橋於富平津

議者以為殷周所都歷聖賢而不作者必不可立故

也預曰造舟為梁則河橋之謂也及橋成帝從百僚

臨會舉男子笄魏書劉芳傳芳字伯文彭城人北徙

屬屬頂男子笄通直常侍王肅之來奔也宴於華林

肅語次曰古者婦人有笄男子則無喪服男子冠而

婦人笄芳曰冠尊故奪其笄稱也非男子無笄禮內

則稱子事父母雖初鳴櫓纚笄總男子有笄明矣易

肅以為然時人就為劉石經按伯文北史作伯支

氏志勿忤于氏後改爲于氏通志氏族畧勿忤于疑
與万紐於同按勿忤無據疑魏志謂也又易万作萬
北史儒林樊深賜姓存狄除庫舊作存扶除厚按官
亦然則又傳寫之誤存狄除庫氏志無厚扶氏但有
乞扶氏改爲扶氏則似除厚應爲除乞矣然乞之與
厚聲形俱別不應譌轉乃爾再考本志有庫狄氏後
改爲狄氏庫與厚狄與扶形俱相近或當是也又北
齊臣如渾狄迴洛庫狄盛之屬多广頭去點尤與厚
字頭同臚韻庫始
夜切姓苑有之

知此則無疑
於風質矣

品藻

蓋聞方以類聚。物以羣分。薰蕕不同器。梟鸞不比翼。若
乃商臣冒頓。南蠻北狄。萬里之殊也。伊尹霍光。殷年漢
日。千載之隔也。而世之稱悖逆。則云商冒。論忠順。則曰
伊霍。者何哉。蓋厥跡相符。則雖隔越爲偶。奚必差肩接
武。方稱連類者乎。史氏自遷固作傳。始以品彙相從。然
其中或以年世迫促。或以人物寡鮮。求其具體必同。不
可多得。是以韓非老子。共在一篇。董卓袁紹。無聞二錄。
豈非韓老俱稱述者。書有子名。袁董並曰英雄。生當漢
末。用此爲斷。龔得其倫。亦有厥類。衆夥宜爲流別。而不

人表之謬尚
不止此此偶
拈出數條耳

能定其同科。申其異品。用使蘭艾相雜。朱紫不分。是誰
之過歟。蓋史官之責也。案班書。古今人表。仰包億載。旁
貫百家。分之以三科。定之以九等。其言甚高。其意甚愜。
及至篇中所列。奚不類於其敘哉。若孔門達者。顏稱殆
庶。至於他子。難爲等衰。今乃先伯牛而後曾參。進仲弓
而退冉有。求諸折中。厥理無聞。又楚王過鄧。三甥請殺
之。鄧侯不許。卒亡鄧國。今定鄧侯入下愚之上。夫寧人
負我爲善。獲戾持此致尤。將何勸善。如謂小不忍。亂大
謀。失於用權。故加其罪。是則三甥見幾而作。決在未萌。
自當高立標格。寘諸雲漢。何得止與鄧侯鄰伍。列在中

庸下流而已哉。又其敘晉文之臣佐也。舟之僑爲上。陽處父次之。士會爲下。其述燕丹之賓客也。高漸離居首。荆軻亞之。秦舞陽居末。斯並是非瞽亂善惡紛拏。或珍瓠而賤璠璣。或策鯨駘而捨騏驥。以茲爲監。欲誰欺乎。又江充息夫躬。讒詔惑上。使禍延儲后。毒及忠良。論其姦凶。過於石顯遠矣。而固敘之不列。佞幸楊王孫。裸葬悖禮。狂狷之徒。考其一生。更無他事。而與朱雲同列。冠之傳首。不其穢歟。若乃旁求別錄。側窺雜傳。諸如此謬。其累實多。案劉向列女傳。載魯之秋胡妻者。尋其始末。了無才行。可稱直以怨懟厥夫。投川而死。輕生同於

以爲罪過何
耶

古○治○殉○節○異○於○曹○娥○此○乃○兇○險○之○頑○人○強○梁○之○悍○婦○輒○
與○貞○烈○爲○伍○有○乖○其○實○者○焉○又○嵇○康○高○士○傳○其○所○載○者○
廣○矣○而○顏○回○蘧○瑗○獨○不○見○書○蓋○以○二○子○雖○樂○道○遺○榮○安○
貧○守○志○而○拘○忌○名○教○未○免○流○俗○也○正○如○董○仲○舒○楊○子○雲○
亦○鑽○仰○四○科○馳○驅○六○籍○漸○孔○門○之○教○義○服○魯○國○之○儒○風○
與○此○何○殊○而○並○可○甄○錄○夫○回○瑗○可○棄○而○楊○董○獲○升○可○謂○
識○二○五○而○不○知○十○者○也○爰○及○近○代○史○臣○所○書○求○其○乖○失○
亦○往○往○而○有○借○如○陽○瓚○効○節○邊○城○捐○軀○死○敵○當○有○宋○之○
代○抑○劉○卜○之○徒○歟○而○沈○氏○竟○不○別○加○標○榜○唯○寄○編○於○索○
虜○篇○內○紀○僧○珍○砥○節○礪○行○終○始○無○瑕○而○蕭○氏○乃○與○羣○小○

隋史列女傳
首載蘭陵公
主亦一大曜
子元來糾無
此篇但舉一
例百耳以詳
編議之則固
矣

混書都以恩幸爲目。王頰文章不足。武藝居多。躬詣戚
藩。首階逆亂。撰隋史者。如不能與臬感並列。卽宜附出
楊諒傳中。輒與詞人共編。吉士爲伍。凡斯纂錄。豈其類
乎。子曰。以貌取人。失之子羽。以言取人。失之宰我。光武
則受誤於龐萌。曹公則見欺於張邈。事列在方書。惟善
與惡。昭然可見。不假許郭之深鑒。裴王之妙察。而作者
傳諸簡牘。不能使善惡區分。故曰。誰之過歟。史官之責
也。夫能申藻鏡。別流品。使小人君子。臭味得朋。上智中
庸等差有敘。則懲惡勸善。永肅將來。激濁揚清。鬱爲不
朽者矣。

商臣冒頓

商臣楚成王太子王後欲立少子職商臣以宮甲圍王王縊遂自立見左傳文元年

冒頓匈奴頭曼太子頭曼愛後閼氏子欲立之冒頓射殺頭曼自立事見史記匈奴傳按此二逆連舉見

宋明伊尹霍光漢書霍光傳光字子孟位大司馬大

帝詔伊尹霍光將軍昭帝崩亡嗣承皇太后詔迎昌

邑王賀賀即位行淫亂光憂慙田延年曰伊尹相殷

廢太甲以安宗廟後世稱其忠將軍若能行此亦漢

之伊尹也光即白太后詔歸賀昌邑立孝宣皇帝晉

書景帝紀伊尹放太甲以肅殷霍光廢昌邑以安漢

三科九等是謂上智可與為惡不可與為善不可與為惡

愚可與為善可與為惡是謂先伯牛原注伯牛仲弓

中人因茲以列九等之序

參冉有並鄧侯原注鄧侯三甥原注三甥皆晉文臣

在第三等鄧侯在第七等三甥在第六等

佐原注舟之僑在第三等陽處燕丹賓客原注高漸

父在第四等士會在第五等

等荆軻在第五等秦舞陽在江充息夫躬舊注江充

第六等按事詳史記刺客傳

幸於武帝

造巫蠱殺太子息夫躬幸於哀帝上變告東平王石

雲造詐諛之策按漢書二人與蒯通伍彼同傳石

顯漢書俠幸傳石顯少坐法腐刑元帝委以政事為

中傷人楊王孫黃老之術病且終令其子贏葬為布囊

盛尸人地既下從是秋胡妻列女傳潔婦者魯秋胡

引脫其囊以身親土秋胡妻列女傳潔婦者魯秋胡

宦於陳五年乃歸未至家見路傍婦人採桑秋胡子

悅之下車謂曰力田不如逢豐年力桑不如見國卿

吾有金願以與夫人婦人不顧秋胡子遂去至家母

喚婦至乃向採桑者也婦曰子東髮辭糾五年乃還

當馳驟疾至今乃悅路傍婦人而下子之喪足亡母

也不孝好色淫佚不義妾不忍見遂去投河而死

古冶無禮晏子言於公饋之二桃公孫樓田開疆曰

吾勇不若子功不逮子取桃不讓是貪也然而不死

無勇也皆反其桃契頌而死古治子曰二子死之吾

獨生不仁亦曹娥後漢書列女傳孝女曹娥上虞人

契頌而死曹娥父盱為巫祝五月五日於縣江沂

濤迎婆娑神溺死不得屍娥年十四沿江號哭旬有
七日投江死縣長度尙爲立碑注會稽典錄曰度尙
弟子耶耶淳作碑文後蔡邕題識二五不知十梁書
八字曰黃絹幼婦外孫蒸白
傳咳著辯命論曰言而非命有六蔽焉靡顏賦理哆
鳴咽賦形之異也切秀辰終龜鶴千歲年之殊也聞
言如響智昏菽麥神之辨也知三者定乎造化榮辱
之境獨曰由人是知二五而未識於十其蔽一也蓋
用越世陽贊宋書索虜傳永初三年虜悉力攻滑臺
家語堅守不動衆潰劉卜原注劉謂劉康祖卜謂卜
陽贊堅守不動衆潰劉卜原注劉謂劉康祖卜謂卜
抗節不降爲虜所殺劉卜原注劉謂劉康祖卜謂卜
大舉北伐康祖軍出許洛會庫仁與相及於尉氏大
戰一日一夜矢中頸死虜傳康祖首示彭城而如生
又元凶傳元因劬文帝長子元嘉三十年劬齊帥張
超之手行弒逆劬進至合殿中問太祖左細仗主卜
天與攻劬於紀僧珍南齊書恩傳紀僧真少隨蕭
東堂見殺紀僧珍思話及其子惠開惠開罷益州
不得志僧真事之愈謹惠開曰我子弟異才政是諱
耳僧真憶其言乃請事太祖太祖頌新亭賊突入東

門僧真與左右拒戰賊退除南臺御史僧真容王頰
貌言吐雅有士風援真作珍誤諱謂道成也
隋書文學傳王頰字景文通經曉兵法有縱橫之志
授漢王諒府諮議參軍諒潛有異志文帝崩舉兵反
多頰計也楊素至蒿澤頰謂其
子曰氣候殊不佳於是自殺
楊諒隋書庶人諒傳高祖幼子漢王諒字德章出為
反王頰曰王所部將吏家屬盡在關西宜長驪京都
所謂迅雷不及掩耳及楊素襲蒿澤諒欲還師頰諫
不從窮賊降除麗萌見載張邈魏志張邈傳邈字孟
名為民絕屬籍麗萌文篇張邈卓太祖袁紹皆與邈
友紹既為盟主使太祖殺邈太祖不聽曰孟卓親友
也邈畏太祖終為紹擊已心不自安太祖將陳宮等
共謀叛說邈曰此亦縱橫之一時也邈從之遂以其
衆迎呂布據濮陽二年自為其下所殺評曰昔光武
諺於麗萌近魏祖亦蔽於許郭後漢書郭太傳太字
張邈知人則哲惟帝難之許郭林宗太原人性明知
人好獎訓士類許劭字子將汝南人少峻名節裴王
好人倫多所賞識故天下言拔士者咸稱許郭裴王

晉書裴秀傳秀從弟楷字叔則明悟有識量少與王
戎齊名史部郎闕文帝問其人於鍾會會曰裴楷清
通王戎簡要皆其選也又王戎字濬仲神
彩秀徹裴楷日之曰戎眼爛爛如巖下電

直書

夫人稟五常。士兼百行。邪正有別。曲直不同。若邪曲者。人之所賤。而小人之道也。正直者。人之所貴。而君子之德也。然世多趨邪而棄正。不踐君子之跡。而行由小人者。何哉。語曰。直如弦。死道邊。曲如鉤。反封侯。故寧順從以保吉。不違忤以受害也。況史之爲務。申以勸誠。樹之風聲。其有賊臣逆子。淫君亂主。苟直書其事。不掩其瑕。則穢跡彰於一朝。惡名被於千載。言之若是。吁可畏乎。夫爲於可爲之時。則從爲於不可爲之時。則凶。如董狐之書法。不隱趙盾之爲法。受惡彼我。無忤行之不疑。然

披沙二句出
鍾嶸詩品

後能成其良直擅名今古至若齊史之書崔弒馬遷之
述漢非韋昭仗正於吳朝崔浩犯諱於魏國或身膏斧
鉞取笑當時或書填坑窖無聞後代夫世事如此而責
史臣不能申其強項之風勵其匪躬之節蓋亦難矣是
以張儼發憤私存嘿記之文孫盛不平竊撰遼東之本
以茲避禍幸獲兩全足以驗世途之多隘知實錄之難
遇耳然則厯考前史徵諸直詞雖古人糟粕真偽相亂
而披沙揀金有時獲寶案金行在厯史氏尤多當宣景
開基之始曹馬構紛之際或列營渭曲見屈武侯或發
仗雲臺取傷成濟陳壽王隱咸杜口而無言陸機虞預

各栖毫而靡述。至習鑿齒乃申以死葛走達之說。抽戈
犯蹕之言。歷代厚誣。一朝如雪。考斯人之書事。蓋近古
之遺直歟。次有宋孝王風俗傳。王劭齊志。其敘述當時
亦務在審實。案於時河朔王公箕裘未隕。鄴城將相薪
構仍存。而二子書其所諱。曾無憚色。剛亦不吐。其斯人
歟。蓋烈士徇名壯夫重氣。寧爲蘭摧玉折不作瓦礫。長
存若南董之仗氣直書不避強禦。韋崔之肆情奮筆無
所阿容。雖周身之防有所不足。而遺芳餘烈人到於今
稱之。與夫王沈魏書假回邪以竊位。董統燕史持諂媚
以偷榮。貫三光而洞九泉。曾未足喻其高下也。

董狐左傳宣公二年晉趙穿攻靈公於桃園宣子未

子曰嗚呼我之懷矣自貽伊戚其我之謂矣孔子曰

董狐古之良史也書法不隱趙宣子古之良大夫也

為法受惡惜書崔弒左傳襄公二十五年齊崔杼弒

也越境乃免書崔弒公以說於晉太史書曰崔杼弒

其君崔子殺之其弟嗣書而死者二人其弟又書乃

舍之南史氏聞太史盡死執簡以往聞既書矣乃還

述漢非後漢書蔡邕傳王允曰武帝不殺司馬遷使

書謂遷所著史記但是漢家不善之韋昭仗正見本

事皆為謗也非獨指武帝之身也

崔浩犯諱魏書崔浩傳浩字伯淵清河人博覽經史

拜太常卿神鼎二年詔撰國書北史本傳著作令史

閔堪郊標詔事浩請立石銘載國史以彰直筆浩書

北人忿毒構浩於帝帝怒誅浩張儼嘿記張儼見

隋書經籍志嘿記三遼東本晉書係盛傳盛撰晉陽

卷吳大鴻臚張儼撰

遼東本

晉書係盛傳盛撰晉陽

秋詞直而理正桓溫見

之謂盛子曰枋頭誠爲失利何至乃如尊君所說此
大行關君門戶事諸子改之盛寫兩定本寄於慕容
得大元中孝武博求異聞始於途東金行見斷見屈
得之以州考校多有不同書遂兩行限篇見屈
武侯蜀志諸葛亮傳亮據武功五丈原與司馬宣王
儀等整軍而出百姓奔告宣王宣王追爲姜維令儀
反旗鳴鼓若將向宣王者宣王乃退不敢偏儀結陣
而去百姓爲之諺曰取傷成濟魏志高貴鄉公紀注
死諸葛走生仲達
經等謂曰司馬昭之心路人所知也當自出討之經
曰宿衛空闕兵甲寡弱禍殆不測帝出懷中版令投
地曰行次矣賈充逆戰帝自用劍太子舍人成濟曰
事急矣當云何充曰畜養汝等正爲今日濟即前刺
帝刃出於背魏氏春秋曰帝自將冗從抽戈犯蹕
僕射李昭等下陵雲臺鎧仗授兵出討
書此句上疑脫于令升亦斥以六字董統燕史
篇後燕建興元年董統受詔草創後書三十卷按是
書隋唐二志皆不載緣其後范亨等合諸燕史并成

一書而董書遂逸也
范亨書二志載之

此亦臣子之大義

曲筆

肇○有○人○倫○是○稱○家○國○父○父○子○子○君○君○臣○臣○親○疎○既○辨○等○
差○有○別○蓋○子○爲○父○隱○直○在○其○中○論○語○之○順○也○畧○外○別○內○
掩○惡○揚○善○春○秋○之○義○也○自○茲○已○降○率○由○舊○章○史○氏○有○事○
涉○君○親○必○言○多○隱○諱○雖○直○道○不○足○而○名○教○存○焉○其○有○舞○
詞○弄○札○飾○非○文○過○若○王○隱○虞○預○毀○辱○相○凌○子○野○休○文○釋○
紛○相○謝○用○舍○由○乎○臆○說○威○福○行○乎○筆○端○斯○乃○作○者○之○醜○
行○人○倫○所○同○疾○也○亦○有○事○每○憑○虛○詞○多○烏○有○或○假○人○之○
美○藉○爲○私○惠○或○誣○人○之○惡○持○報○已○讎○若○王○沈○魏○錄○濫○述○
貶○甄○之○詔○陸○機○晉○史○虛○張○拒○葛○之○鋒○班○固○受○金○而○始○書○

此亦近情近
理之言

陳壽借米而方傳此又記言之好賊載筆之凶人雖肆
諸市朝投畀豺虎可也然則史之不直代有其書苟其
事已彰則今無所取其有往賢之所未察來者之所不
知今畧廣異聞用標先覺案後漢書更始傳稱其懦弱
也其初卽位南面立朝羣臣羞愧流汗刮席不敢視夫
以聖公身在微賤已能結客報讎避難緣林名爲豪傑
安有貴爲人主而反至於斯者乎將作者曲筆阿時獨
成光武之美諛言媚主用雪竹升之怨也且中興之史
出自東觀或明皇所定或馬后攸刊而炎祚靈長簡書
莫改遂使他姓追撰空傳僞錄者矣陳氏國志劉後主

此論亦持平

傳云蜀無史職。故災祥靡聞。案黃氣見於秭歸。羣鳥墮於江水。成都言有景星出。益州言無宰相氣。若史官不置此事。從何而書。蓋由父辱受髡。故加茲謗議者也。古者諸侯並爭。勝負無恆。而他善必稱。已惡不諱。逮乎近古。無聞至公。國自稱爲我長家。相謂爲彼短。而魏收以元氏出於邊裔。見侮諸華。遂高自標舉。比桑乾於姬漢之國。曲加排抑。同建鄴於蠻貊之邦。夫以敵國相讎。交兵結怨。載諸移檄。用可致誣。列諸緡素。難爲妄說。苟未達此義。安可言於史邪。夫史之曲筆誣書。不過一二語。其罪負爲失已多。而魏收雜以寓言。殆將過半。固以倉

頡已降罕見其流而李氏齊書稱爲實錄者何也蓋以重規亡考未達伯起以公輔相加字出大名事同元歎旣無德不報故虛美相酬然必謂昭公知禮吾不信也語曰明其爲賊敵乃可服如王劭之抗詞不撓可以方駕古人而魏收持論激揚稱其有慚正直夫不彰其罪而輕肆其誅此所謂兵起無名難爲制勝者尋此論之作蓋由君懋書法不隱取咎當時或有假手史臣以復私門之恥不然何惡直醜正盜憎主人之甚乎蓋霜雪交下始見貞松之操國家喪亂方驗忠臣之節若漢末之董承耿紀晉初之諸葛母止齊興而有劉秉袁粲周

秦人事見羊
街之洛陽伽
藍記獨老事
見經書毛修
之傳清氏以
爲無考非也

滅而有王謙尉迥斯皆破家殉國視死猶生而歷代諸
史皆書之曰逆將何以激揚名教以勸事君者乎古之
書事也令賊臣逆子懼今之書事也使忠臣義士羞若
使南董有靈必切齒於九泉之下矣自梁陳已降隋周
而往諸史皆貞觀年中羣公所撰近古易悉情僞可求
至如朝廷貴臣必父祖有傳考其行事皆子孫所爲而
訪彼流俗詢諸故老事有不同言多爽實昔秦人不死
驗符生之厚誣蜀老猶存知葛亮之多枉斯則自古所
歎豈獨於今哉蓋史之爲用也記功司過彰善癉惡得
失一朝榮辱千載苟違斯法豈曰能官但古來唯聞以

直筆見誅。不聞以曲詞獲罪。是以隱侯宋書多妄。蕭武
知而勿尤。伯起魏史不平。齊宣覽而無譴。故令史臣得
愛憎由己。高下在心。進不憚於公憲。退無媿於私室。欲
求實錄。不亦難乎。嗚呼。此亦有國家者所宜懲革也。

虞預相凌

晉書王隱傳大興初令隱撰晉史時著作

事數訪於隱并借隱所著書盜寫之休文釋紛南史
後更疾隱形於言色隱竟以詢免歸
野傳子野曾祖松之齊永明末沈約撰宋書稱松之
已後無聞焉子野更撰爲宋畧二十卷其敘事評論
多善而云戮淮南太守沈璞以其不從
義師故也沈灌徒南太守沈璞以其不從
王沈傳高貴鄉公將攻文帝召沈告之沈馳白帝不
忠於主甚爲衆論所非按沈所撰魏書已逸述甄事
無考郭評沈不忠於魏故甄
后之貶濫述其事彰曹醜也陸機虛張祖紀見本紀

篇按晉書宣帝紀魏太和五年及受金借米班生受
青龍二年懿凡兩拒蜀丞相亮
求米見史官建置篇固學紀問受金事未詳予考陳
壽傳有謂丁廙子覓千斛米丁不與竟不立傳之說
但有或云二字或之者伯升之怨傳漢書齊武王演
疑之也恐亦未可盡信
長兄也王莽篡漢兵革並起伯升司徒及伯升拔宛光武
天都部聖公卽位拜伯升大司徒及伯升拔宛光武
破王尋王邑兄弟威名益盛明皇所定後漢書東平
更始君臣謀誅伯升害之
永平十五年行幸東平帝以所作光武本紀示蒼
因上光武受命中興頌帝甚善之
馬后攸刊後漢書皇后紀顯宗明德馬皇后伏波將
撰顯宗起居注削去兄防參醫藥事曰蜀無史職
吾不欲令後世聞先帝數親后官之家
後主傳譚國不置史注記無黃氣見秭歸傳章武二
官是以行事多遺災異靡書
年先主軍秭歸於猓亭駐營黃氣
見自秭歸十餘里中廣數十丈
羣鳥墮江水後主

傳注漢晉春秋曰江陽有鳥從江南有景星出蜀志後主

飛渡江北不能達墮水死者以千數景耀元年史官言景

星見於是大赦改元無宰相氣蜀志費禕傳延熙

氣者曰都邑父辱受髡晉書陳壽父為馬謖參

無宰相氣父辱受髡軍謖為諸葛亮所誅壽父亦

坐被髡壽為父立傳謂亮將畧非李稱實錄見浮詞

長無應敵之才議者以此少之李稱實錄篇原注

公輔大名謂之曰卿識度必至公輔吾以此字卿

訓故左傳云魏大名也故云元歎吳志顧雍傳雍字

援大名句見左傳閔公元年元歎吳志顧雍傳雍字

怨於吳雍從學琴書注江表傳曰伯喈謂曰卿必成

名今以吾名與卿故雍與伯喈同名也又吳錄曰言

為伯喈所歎惡直醜正語見左傳昭盜憎主人觀周

故以為字焉惡直醜正語見左傳昭盜憎主人觀周

盜憎主人怨其上子知天下之不董承耿紀志

可上也故下之亦見左傳成公十五年董承耿紀志

先主同曹公還許時獻帝以車騎將軍董承辭受帝

衣帶詔當誅曹公先主遂與承等同謀魏武帝紀備

之末東也陰與輩承等謀反舉兵屯沛五年承等謀
鴻伏誅按耿紀紀攻許燒營見因習篇又魏武帝紀注
三輔決錄曰紀字季行爲丞相掾又獻帝春秋曰收
紀等將斬之紀呼魏王名曰恨吾不自主意竟爲羣
兒所諸葛母正諸葛誕見因習篇習書景帝紀正元
誤耳欽舉兵作亂矯太后令移檄郡國爲壇盟於西
門之外帥衆六萬渡淮而西帝征之儉聞欽敗宵遁
安風津都尉追斬之魏志誕儉傳誕字公休儉字仲
恭儉都督揚州反敗見夷滅誕不自安朝廷徵知徵
誕爲司空誕愈恐遂反按王應麟曰儉誕等劉秉袁
千載有生氣矣故鄭漁仲有晉史黨晉之言劉秉袁
榮帝卽位詔移石頭時齊王功高天命有歸榮密有
異圖劉秉宋代宗室與榮相結謀克日矯太后令使
攻齊王事洩齊王遣軍主戴僧靜向石頭僧靜挺身
暗往榮子最覺有異入以身衛榮僧靜直前王謙尉
斬之父子俱殞其後並誅秉秉事在宗室傳王謙尉
迴見四習篇

鑒識

夫人識有通塞。神有晦明。毀譽以之不同。愛憎由其各異。蓋三王之受謗也。值魯連而獲申。五霸之擅名也。逢孔宣而見詆。斯則物有恆準。而鑒無定識。欲求銓覈得中。其唯千載一遇乎。况史傳爲文淵浩。廣博學者。苟不能探蹟索隱。致遠鉤深。烏足以辨其利害。明其善惡。觀左氏之書。爲傳之最。而時經漢魏。竟不列於學官。儒者皆折此一家。而盛推二傳。夫以丘明躬爲魯史。受經仲尼。語世則並生。論才則同恥。彼二家者。師孔氏之弟子。預達者之門人。才識本殊。年代又隔。安得持彼傳說。比

此自遷書之
襍然要所論
乃指其大段
文體言非摘
一二事也

茲親受者乎。加以二傳理有乖僻。言多鄙野。方諸左氏。不可同年。故知膏肓墨守。乃腐儒之妄述。賣餅太官。誠智士之明鑒也。逮史漢繼作。踵武相承。王充著書。旣甲班而乙馬。張輔持論。又劣固而優遷。然此二書雖互有修短。遞聞得失。而太抵同風。可爲連類。張晏云。遷歿後。亡龜策。日者傳。褚先生補其所缺。言詞鄙陋。非遷本意。案遷所撰五帝本紀。七十列傳。稱虞舜見阨。遂匿空而。出。宣尼旣歿。門人推奉有若其言之鄙。又甚於茲。安得獨罪褚生。而全宗馬氏也。劉軌思商推漢史。雅重班才。惟譏其本紀不列少帝。而輒編高后。案宏非劉氏而竊。

此亦正論
孔氏卓卓信
含異氣亦文
帝語註失引

養漢官時天下無主。呂宗稱制。故借其歲月。寄以編年。而野雞行事。自具外戚。譬夫成爲孺子。史刊攝政之年。厲亡流穢。脉紀共和之日。而周召二公。各世家有傳。班氏式遵曩例。殊合事宜。豈謂雖濬發於巧心。反受嗤於拙目也。劉祥撰宋書序錄。歷說諸家晉史。其畧云。法盛中興。荒莊少氣。王隱徐廣。淪溺罕華。大史之敘事也。當辯而不華。質而不俚。其文直其事核。若斯而已。可也。必令同文舉之。含異等公幹之。有逸如子雲之。含章類長卿之。飛藻此乃綺揚。繡合雕章。縛彩欲稱實錄。其可得乎。以此詆訶。知其妄施彈射矣。夫人廢興時也。窮達命

唐人皆不知
古文孔傳之
偽或子元亦
云爾蓋考據
之學古疎今
著亦如星麻
然

也。而書之爲用亦復如是。蓋尙書古文六經之冠冕也。
春秋左氏三傳之雄霸也。而自秦至晉年踰五百其書
隱沒不行於世。旣而梅氏寫獻杜侯訓釋然後見重一
時。擅名千古。若乃老經撰於周日。莊子成於楚年。遭文
景而始傳。值嵇阮而方貴。若斯流者可勝紀哉。故曰廢
興時也。窮達命也。適使時無識寶。世缺知音。若論衡之
未遇伯喈。太元之不逢平子。逝將煙燼火滅。泥沈雨絕。
安有歿而不朽。揚名於後世者乎。

三王獲申

文選曹子建與楊德祖書曰昔田巴嬰五
帝罪三王一旦而服千人魯連一說使終

身杜口注說

五霸見詆

漢書董仲舒傳仲尼之門五
尺之童羞稱五霸爲其先詐

見魯連子

力面後左氏不列學官隋書經籍志左氏漢初出張

仁誼也為訓詰其後劉歆欲立於學諸儒莫應建武中韓歆

陳元詒之乃以李封為左氏博士封卒遂罷至晉時

杜預為集解盛行膏肓墨守後漢書儒林傳何休字

而公羊穀梁微膏肓墨守邵公任城人也太傅陳

蕃辟之以參政事作公羊解詁又作公羊墨守左氏

膏肓穀梁廢疾齟齬元傳元隱修經業乃發墨守鍼膏

盲起廢疾休見而嘆曰康成賣餅太官公羊春秋時

人吾室操吾矛以伐我乎賣餅太官公羊春秋時

鍾繇好左氏謂左氏為太官蜀公王充著書充謂彪

羊為賣餅家數與翰會辨析長短王充著書充謂彪

云褚先生補史記裴注漢書音義曰十篇有錄無書

年表禮樂律書三王世家曰者龜策言辭鄒非遷本意

劉軌思北齊書儒林傳劉軌思說詩甚精故其鄉曲

文野雞史記封禪書野雞夜雉曰野雞世家有傳

按句必有誤當劉祥南齊書劉祥傳祥字顯徵性韻

代上銜而不問後徙廣州按後周亦有劉祥字休徵

以字行劉璠子也繕定梁典與此無涉郭本誤引王

本刊徐廣見六家文舉後漢書孔融傳融字文公幹

魏志王粲傳東平劉楨字公幹魏文帝典論今之文

人魯國孔文舉氣體高妙理不勝辭又云文本同而

未異又與吳質書公子雲漢書揚雄傳雄字子雲蜀

幹有逸氣但未適耳長卿字長卿奏賦天子大悅

有司馬相如作賦甚宏長卿字長卿奏賦天子大悅

麗雄常擬之以為式長卿字長卿奏賦天子大悅

飄飄有凌雲氣
游天地之間
晉世秘府所存永嘉之亂並亡至東晉豫章內史梅
隨始得安國之傳奏之又闕舜典一篇齊建武中吳
姚興方於大桁市得其書奏上杜侯訓釋杜預為春
多二十八篇於是始列國學
傳集解已見前按本傳又參考眾家譜第謂之老莊
釋例久作盟會圖春秋長麻備成一家之學
遭值漢書揚雄傳昔老聃著虛無之言兩篇後世好
有是言晉書嵇阮傳嵇康好老莊著養生論阮籍著
達莊論按漢初言黃老者先有膠西蓋公晉世元風
尤甚起於何王流於向郭而史
通第舉文景嵇阮為言約辭也
太元逢平子
崔子玉
書乃者披讀太元經知子雲極陰陽之數心實
與五經擬元四百歲其興乎
按平子張衡字

探賾

夫前哲所作。後來是觀。苟失其指歸。則難以傳授。而或有妄生穿鑿。輕究本源。是乖作者之深旨。談生人之後學。其爲謬也。不亦甚乎。隋內史李德林著論。稱陳壽蜀人。其撰國志。黨蜀而抑魏。刊之國史。以爲格言。案曹公之創王業也。賊殺母后。幽逼主上。罪百田常。禍千王莽。文帝臨戎。不武爲國。奸奢忍害。賢良疎忌。骨肉而壽評。皆依違其事。無所措言。劉主地居漢宗。仗順而起。夷險不撓。終始無瑕。方諸帝王。可比少康。光武譬以侯伯。宜輩秦繆。楚莊而壽評抑其所長。攻其所短。是則以魏爲

定邪正明順
逆即以賢奸
寒所謂春秋
成而亂臣賊
子懼也道豈
論非無昭子
元之意也
爲僧氏言
本非正則習
氏改之以誠
當時故有此
辨

史通前集卷二
正朔之國典午攸承蜀乃僭偽之君中朝所嫉故曲稱
曹美而虛說劉非安有背曹而向劉疎魏而親蜀也夫
無其文而有其說不亦憑虛亡是者耶習鑿齒之撰漢
晉春秋以魏爲僞國者此蓋定邪正之途明順逆之理
耳而檀道鸞稱其當桓氏執政故撰此書欲以絕彼瞻
烏防茲逐鹿厯觀古之學士爲文以諷其上者多矣若
齊罔失德豪士於焉作賦賈后無道女史由其獻箴斯
皆短什小篇可率爾而就也安有變三國之體統改五
行之正朔勒成一史傳諸千載而藉以權濟物議取誠
當時豈非勞而無功博而非要與夫班彪王命一何異

乎求之人情。理不當爾。自二京板蕩。五胡稱制。崔鴻鳩
諸僞史。聚成春秋。其所列者。十有六家而已。魏收云。鴻
世仕江左。故不錄司馬劉蕭之書。又恐識者尤之。未敢
出行於外。案於時中原之主。海內橫流。逖彼東南。更爲
正朔。適使素王再出。南史重生。終不能別有異同。忤非
其議。安得以僞書無錄。而猶罪歸彥鸞者乎。且必以崔
氏祖宦吳朝。故情私南國。必如是。則其先徙居廣固。委
質慕容。何得書彼南燕。而與羣胡並列。愛憎之道。豈若
是耶。且觀鴻書之紀綱。皆以晉爲主。亦猶班書之載吳
項。必繫漢年。陳志之述孫劉。皆宗魏世。何止獨遺其事。

不取其書而已哉。但伯起躬爲魏史，傳列島夷，不欲使中國著書推崇江表，所以輒假言崔志用紆魏，羞且東晉之書。宋齊之史考其所載，幾三百篇，而僞邦墳籍僅盈百卷。若使收矯鴻之失，南北混書，斯則四分有三事歸江外，非唯肥瘠非類，衆寡不均，兼以東南國史皆須紀傳區別，茲又體統不純，難爲編次者矣。收之矯妄，其可盡言乎？於是考衆家之異說，參作者之本意，或出自胸懷，枉申探賾，或妄加向背，輒有異同，而流俗腐儒，後來未學習其狂狷，成其詿誤，自謂見所未見，聞所未聞，銘諸舌端，以爲口實。唯智者不惑，無所疑焉。

李稱陳壽

隋書李德林傳論齊書起元事其中云漢獻帝死劉備自尊崇陳壽蜀人以魏為漢

賊甯肯蜀主未立賊后逼主

後漢書伏后紀白帝都許宿衛兵侍莫非曹氏

已云魏武受命于賊后逼主許宿衛兵侍莫非曹氏

黨姻操人見帝不任其憤曰幸垂恩相捨操失色後

乃通帝廢后以尚書令華歆勒兵入宮收后歆就牽

后出時帝在外殿后被髮跪行泣過訣曰鑿齒當桓

不能復相活耶帝曰我亦不知命在何時鑿齒當桓

執政晉書習鑿齒傳是時桓溫覬覦非望鑿齒在郡

至文帝平蜀乃為漢亡而晉興按其詳已見論贊篇

但此皆今晉書所有今子元以為是道鸞語而雜說

篇又有新晉不取曹子孫瞻鳥後漢書郭太傳陳蕃

檀之說則亦非盡不川也瞻鳥賓謂為闔人害太哭

於野日人之云亡邦國殄瘁逐鹿通曰秦失其鹿天

下其逐之高材豪士賦晉書陸機傳齊王問伶功白

疾足者先得豪士賦伐受爵不袁陸機悲之作豪

士賦以女史箴見載崔鴻十六家陳書崔鴻字

黃門侍郎弱冠便有著述之志見劉石等並四世故
跨僧一方國書未有統一乃撰為十六國春秋勒成
百卷又詳崔氏祖宦字長仁東清河人祖曠從慕容伯
正史篇德南渡河居青州之時水慕容氏滅仕劉義隆為樂
陵太守父靈延劉駿龍驤將軍長廣太守觀此鴻之
世仕江左固有明文而史通云委質慕容傳無其語
意祖曠從渡時名在仕籍傳或闕書何官也崔氏清
河世望故在諸燕境中
子元之言必非無徵

模擬

夫述者相効。自古而然。况史臣注記其言。浩博若不仰
範前哲。何以貽厥。後來蓋模擬之體。厥途有二。一曰貌
同而心異。二曰貌異而心同。何以言之。蓋古者列國命
官。卿與大夫爲別。必於國史所記。則卿亦呼爲大夫。此
春秋之例也。當秦有天下。地廣殷周。變諸侯爲帝王。日
宰輔爲丞相。而譙周撰古史考。思欲擯抑馬記。師放孔
經。其書李斯之棄市也。乃云秦殺其大夫李斯。夫以諸
侯之大夫。名天子之丞相。以此而擬春秋。所謂貌同而
心異也。當春秋之世。列國甚多。每書他邦。皆顯其號。至

於魯國直云我而已。如金行握紀。海內大同。君靡客主之殊。臣無彼此之異。而干寶撰晉紀。至天子之葬。必云葬我某皇帝。且無二君。何我之有。以此而擬春秋。又所謂貌同而心異也。至如書元年春王正月者。年則魯在之年。月則周王之月。如曹馬受命。躬爲帝王。非是以諸侯守藩。行天子頒祿。而孫盛魏晉二陽秋。每書年首。必云某年春帝正月。夫年旣編帝紀。而月又列帝名。以此而擬春秋。又所謂貌同而心異也。五始所作。是曰春秋三傳。並與各釋經義。如公羊傳。屢云何以書記某事也。此則先引經。而繼以釋辭。勢使之然。非史體也。如吳

均○齊○春○秋○每○書○災○變○亦○曰○何○以○書○記○異○也○夫○事○無○他○議○
言○從○已○出○輒○自○問○而○自○答○者○豈○是○敘○事○之○理○者○邪○以○此○
而○擬○公○羊○又○所○謂○貌○同○而○心○異○也○世○之○述○者○銳○志○於○奇○
喜○編○欠○古○文○撰○敘○今○事○而○巍○然○自○謂○五○經○再○生○三○史○重○
出○多○見○其○無○識○者○矣○惟○夫○明○識○之○士○則○不○然○其○所○擬○者○
非○如○圖○畫○之○寫○真○鎔○鑄○之○象○物○以○此○而○似○也○其○所○以○爲○
似○者○取○其○道○術○相○會○義○理○元○同○若○斯○而○已○亦○猶○孔○父○賤○
爲○匹○夫○栖○皇○放○逐○而○能○祖○述○堯○舜○憲○章○文○武○亦○何○必○居○
九○五○之○位○處○南○面○之○尊○然○後○謂○之○連○類○者○哉○蓋○左○氏○爲○
書○敘○事○之○最○自○晉○已○降○景○慕○者○多○有○類○效○輦○彌○益○其○醜○

然求諸偶中。亦可言焉。蓋君父見害。臣子所恥。義當畧說。不忍斥言。故左傳敘桓公在齊遇害。而云彭生乘公。公薨於車。如于寶。晉紀敘愍帝歿於平陽。而云晉人見者多哭。賊懼。帝崩。以此而擬左氏。所謂貌異而心同也。夫當時所記。或未盡。則先舉其始。後詳其末。前後相會。隔越取同。若左氏成七年。鄭獲楚鍾儀。以獻晉。至九年。晉歸鍾儀於楚。以求平。其類是也。至裴子野宋畧。敘索虜臨江。太子劭使力士排徐湛。江湛僵仆。於是始與劭有隙。其後三年。有江湛爲元凶所殺事。以此而擬左氏。亦所謂貌異而心同也。蓋文雖缺畧。理甚昭著。此正明

此真巧於奪胎

之體也。至如敘晉敗於邲。先濟者賞。而云上軍下軍。爭舟。舟中之指可掬。夫不言攀舟亂以刃斷指。而但曰舟指可掬。則讀者自覩其事矣。至王劭齊志述高季式破敵於韓陵。追奔逐北。而云夜半方歸。槩血滿袖。夫不言奮槩深入。擊刺甚多。而但稱槩血滿袖。則聞者亦知其義矣。以此而擬左氏。又所謂貌異而心同也。大抵作者自魏已前。多効三史。從晉已降。喜學五經。夫史才文淺而易摸。經文意深而難擬。旣難易有別。故得失有殊。蓋貌異而心同者。模擬之上也。貌同而心異者。模擬之下也。然人皆好貌同而心異。不尙貌異而心同者。何哉。蓋

鑑識不明嗜愛多僻悅夫似史而憎夫真史此子張所以致譏於魯侯有葉公好龍之喻也嗚呼自子長以還似皆未覩斯義後來明達其鑒之哉

譙周古史考

蜀志譙周傳周字允南位亞九列不與政事撰定法訓五經論古史考之屬百

餘周王之月

原注春秋考竹書紀年始達此義而自古說以別夏殷也誤解始此愚嘗論之春秋繫正於王者

別魯於天子非別周於夏令也是侯國之史法也史通先得

我心彭生乘公公薨於車

左傳桓公十八年

江湛

南史江

子湛字徽深領博士轉吏部尚書家甚貧無兼衣餘食魏太武至瓜步以湛兼領軍魏遣使求昏上召太

子劭以下集議衆並謂宜許湛謂許之無益劭怒曰詎宜苟執異議聲色甚厲坐散俱出劭使班劍排排

之殆於傾倒及劭之人弒湛直上省據窓受害徐湛意色不撓按宋書徽深作徽淵魏太武作索虜

援江湛傳及徐湛之傳俱無
同受排仆之文二字疑衍
二年亂以刃斷指
亂字上恐脫擾字
武乃於韓陵為同陣合戰大敗之高季式以七騎追
奔度野馬岡與兆遇高昂望之不見哭曰喪吾弟矣
夜久季式葉公好龍莊子逸篇子張見魯哀公不禮
還血滿袖
子高之好龍屋室雕文盡寫以龍於是天龍下之窺
頭於脯掩尾於堂葉公見之失其魂魄是葉公非好
龍也好夫似
龍而非龍也

上軍下軍爭舟

見左傳宣公十

書事

昔荀悅有云。立典有五志焉。一曰達道義。二曰彰法式。三曰通古今。四曰著功勳。五曰表賢能。于寶之釋五志也。體國經野之言。則書之用兵征伐之權。則書之忠臣烈士孝子貞婦之節。則書之文誥專對之辭。則書之才力技藝殊異。則書之。於是採二家之所議。徵五志之所取。蓋記言之所網羅。書事之所總括。粗得於茲矣。然必謂故無遺恨。猶恐未盡者乎。今更廣以三科。用增前目。一曰敘沿革。二曰明罪惡。三曰旌怪異。何者。禮儀用舍。節文升降。則書之。君臣邪僻。國家喪亂。則書之。幽明感

應禍福萌兆則書之。於是以此三科參諸五志。則史氏所載庶幾無闕。求諸筆削何莫由斯。但自古作者鮮能無病。苟書而不法。則何以示後。蓋班固之譏司馬遷也。論大道則先黃老而後六經。序游俠則退處士而進姦雄。述貨殖則崇勢利而羞貧賤。此其所蔽也。又傳元之貶班固也。論國體則飾主闕而折忠臣。叙世教則貴取容而賤直節。述時務則謹辭章而畧事實。此其所失也。尋班馬二史咸擅一家。而各自彈射。遞相瘡疖。夫雖自卜者審而自見爲難。可謂笑他人之未工。忘己事之已拙。上智猶其若此。而况庸庸者哉。抑又聞之。怪力亂神。

宣尼不語而事鬼求福。墨生所信。故聖人於其間。若存若亡而已。若吞燕卵而商生。啓龍漿而周滅。厲壤門以禍晉。鬼謀社而亡曹。江使返璧於秦皇。圯橋授書於漢相。此則事關軍國。理涉興亡。有而書之。以彰靈驗。可也。而王隱何法盛之徒。所撰晉史。乃專訪州閭細事。委巷瑣言。聚而編之。目爲鬼神傳錄。其事非要。其言不經。異乎三史之所書。五經之所載也。范曄博採衆書。裁成漢典。觀其所取。頗有奇工。至於方術篇。及諸蠻夷傳。乃錄王喬左慈。廩君槃瓠。言唯迂誕。事多詭越。可謂美玉之瑕。白圭之玷。惜哉。無是可也。又自魏晉已降。著述多門。

語林笑林。世說俗說。皆喜載調謔。小辯嗤鄙異聞。雖爲有識所譏。頗爲無知所說。而斯風一扇。國史多同。至如王思狂躁。起驅蠅而踐筆。畢卓沈湎。左持螯而右杯。劉邕榜吏以膳痴。齡石戲舅而傷贅。其事蕪穢。其辭猥雜。而厯代正史。持爲雅言。苟使讀之者。爲之解頤。聞之者。爲之撫掌。固異乎記功書過。彰善癉惡者也。大抵近代史筆。敘事爲煩。權而論之。其尤甚者。有四。夫祥瑞者。所以發揮盛德。幽贊明王。至如鳳皇來儀。嘉禾八獻。秦得若雉。魯獲如騶。求諸尙書春秋。上下數千載。其可得言者。蓋不過一二而已。爰及近古。則不然。凡祥瑞之出。非

關○理○亂○蓋○主○上○所○惑○臣○下○相○欺○故○德○彌○少○而○瑞○禍○多○政○
逾○劣○而○祥○逾○盛○是○以○桓○靈○受○祉○比○文○景○而○爲○豐○劉○石○應○
符○比○曹○馬○而○益○倍○而○史○官○徵○其○謬○說○錄○彼○邪○言○真○僞○莫○
分○是○非○無○別○其○煩○一○也○當○春○秋○之○時○諸○侯○力○爭○各○擅○雄○
伯○自○相○君○臣○經○書○某○使○來○聘○某○君○來○朝○者○蓋○明○和○好○所○
通○盛○德○所○及○此○皆○國○之○大○事○不○可○闕○如○而○自○史○漢○已○還○
相○承○繼○作○至○於○呼○韓○入○侍○肅○慎○來○庭○如○此○之○流○書○之○可○
也○若○乃○藩○王○岳○牧○朝○會○京○師○必○也○書○之○本○紀○則○異○乎○春○
秋○之○義○夫○臣○謁○其○君○子○觀○其○父○抑○惟○恆○理○非○復○異○聞○載○
之○簡○策○一○何○辭○費○其○煩○二○也○若○乃○百○職○遷○除○千○官○黜○免○

卽春秋非卿
不書之義

史通前序

卷二

選

其○可○以○書○名○本○紀○者○蓋○惟○槐○鼎○而○已○故○西○京○撰○史○唯○編○
丞○相○大○夫○東○觀○著○書○止○列○司○徒○太○尉○而○近○世○自○三○公○以○
下○一○命○以○上○苟○沾○厚○祿○莫○不○備○書○且○一○人○之○身○兼○預○數○
職○或○加○其○號○而○闕○其○位○或○無○其○實○而○有○其○名○贊○唱○爲○之○
口○勞○題○署○由○其○力○倦○具○之○史○牘○夫○何○足○觀○其○煩○三○也○夫○
人○之○有○傳○也○盖○唯○書○其○邑○里○而○已○其○有○開○國○承○家○世○祿○
不○墜○積○仁○累○德○良○弓○無○改○項○籍○之○先○世○爲○楚○將○石○建○之○
後○廉○謹○相○承○此○則○其○事○尤○異○畧○書○於○傳○可○也○其○失○之○者○
則○有○父○官○令○長○子○秩○丞○郎○聲○不○著○於○一○鄉○行○無○聞○於○十○
室○而○乃○敘○其○名○位○一○二○無○遺○此○實○家○牒○非○關○國○史○其○煩○

四也。於是考茲四事以觀今古。足驗積習忘返流宕不歸。乖作者之規模。違哲人之準的也。孔子曰。吾黨之小子。狂簡斐然成章。不知所以裁之。其斯之謂矣。亦有言或可記功。或可書而紀闕。其次傳亡其事者。或八元才子。因行父而獲傳。或五穀大夫。假趙良而見識。則知當時正史流俗所行。若三墳五典。八索九丘之書。虞夏商周春秋。檇杙之記。其所缺畧者多矣。夫記事之體。欲簡而且詳。疎而不漏。若煩則盡取。省則多捐。此乃忘折中之宜。失均平之理。惟夫博雅君子。知其利害者焉。

傅元貶班

晉書傅元傳元字休奕御史中丞遷大僕撰論經國九流及三史故事評斷得失各

為區例名為傳吞燕卵鄭康成商頌譜有娥氏之女
 子為內外中篇紀簡狄為帝嚳次妃啓龍外傳鄭宣王之時童
 爾雅釋鳥燕燕國有夫婦驚足器者夏之衰褒神化為三龍王請其
 榮哉之殷周莫之發也及厲王發之遘之而孕育而棄之醫弘服者取之厲壞門左傳成
 以逸於褒是為褒后周本紀亦載之晉侯夢大厲被髮及地搏膺而踊曰殺余孫不義余
 得請於帝矣壞大門及寢門而入公懼入於室又壞戶公覺召桑田巫巫言如鬼謀社左傳哀公七年初
 夢公曰何如曰不食新矣立於社宮而謀亡曹曹叔振鐸請待公孫彊且而戒
 其子曰我死爾聞公孫彊為政必去之及伯陽即位好田弋曹鄙人公孫彊好弋說之因訪政事江使返
 有寵使聽政夢者之子乃行八年宋滅曹璧見書地橋授書事在史記留侯世家裴注徐廣曰
 志篇地橋授書謂橋為地橋二字連用似誤然其後雜說中有
 厲江日橋為地之文知其非失考也特隨俗通用耳

王喬左慈見探廩君後漢書南蠻傳巴郡南郡蠻本

上船約能浮者當以為君餘姓未有君長乃共合名乘

浮因共立之是為廩君廩君死魄魂世為白虎槃瓠

見陶語林笑林晉書經籍志語林十卷晉裴世說俗

限篇語林笑林晉書經籍志語林十卷晉裴世說俗

說世說即臨川所撰見六家隋馬魏志梁昌傳注

急常執筆作書蠅集筆端嘔去復來思恚持螯

怒自起蠅蠅不能得還取筆擲地踏壞之

傳卓字茂世嘗謂入曰得滿數百斛船四時甘味置

兩頭右手持酒杯左手持蟹螯拍浮酒船中便足了

一生膳痴宋書劉穆之傳穆之之孫邑嗜食瘡痂以

矣上取食之靈休大驚答曰性之所嗜靈休瘡痂未落

者悉覘取以飼邑遂舉體流血南康國吏二百許人

不問有罪無罪遞互與傷贅伯兒少好武不事庠檢

鞭鞭瘡痂常以給膳傷贅伯兒少好武不事庠檢

男淮南蔣氏才劣齡石使男卧聽事剪紙方寸帖著

男枕以刀子縣擲之相去八九尺百擲百中男畏齡

石終不敢動鼻頭有大瘤齡石何鼻嘉禾書序唐叔
眠密割之即死援傷贅郎割瘤也
同穎獻之天子王命唐叔歸周公於東作秦得若雉
歸禾周公既得命禾旅天子之命作嘉禾
更記封禪書秦文公獲若石云於陳倉北阪陂祠之
其神來也常以夜則若雉雞其聲殷云野雞夜鳴以
一牢祠號曰陳寶按雉稱獲如鷹公羊傳哀公十四
雞漢書郊祀志作雉雉稱獲如鷹年春西狩獲麟孰
侍之薪采者也薪采者則微者也易為以符言之大
之也麟者仁獸也有王者則至無王者則不至有以
告者曰有麟而角者孔子曰孰為呼韓入侍漢書宣
來哉孰為來哉反袂拭面涕沾袍呼韓入侍漢書宣
露二年匈奴呼韓邪單于款五原塞三年春正月行
幸甘泉郊泰時呼韓邪單于稽侯彌來朝贊謁稱藩
臣而不名上自甘泉宿池陽宮蠻夷肅慎來庭孔
昭長夾道陳上登渭橋咸稱萬歲肅慎來庭孔
世家武王克商通道九夷八蠻肅慎貢楮矢石弩長
尺有咫晉書文帝紀肅慎來獻石弩紹皮等天子命
歸於大將軍府魏志陳留王紀景元三年肅慎遣
使重譯入貢仰其事又晉書武帝紀咸寧五年肅慎

來獻楷矢石塔異乎春秋之義原注若漢書載楚王囂等來朝之類是項籍世爲楚將史記項石建廉謹相承史記萬也
八元才子見後篇五殺大夫史記商君列傳

人物

夫人之生也。有賢不肖焉。若乃其惡可以誡世。其善可
以示後而死之日。名無得而稱焉。是誰之過歟。蓋史官
之責也。觀東漢一代。賢明婦人如秦嘉妻徐氏。動合禮
儀。言成規矩。毀形不嫁。哀慟傷生。此則才德兼美者也。
董祀妻蔡氏。載誕胡子。受辱虜廷。文詞有餘。節槩不足。
此則言行相乖者也。至蔚宗後漢傳。標列女徐淑。不齒
而蔡琰見書。欲使彤管。所載將安準的。裴幾原刪畧宋
史。時稱簡要。至如張禕陰受君命。戕賊零陵。乃守道不
移。飲鴆而絕。雖古之鉏麇義烈。何以加諸鮑昭文宗學。

府馳名海內。方於漢代。褒朔之流。事皆闕。如何以申其
褒獎。夫天下善人少而惡人多。其書名竹帛者。蓋唯記
善而已。故太史公有云。自獲麟以來。四百餘年。明主賢
君。忠臣死義之士。廢而不載。余甚懼焉。卽其義也。至如
四凶列於尙書。三叛見於春秋。西漢之紀。江充石顯。東
京之載。梁冀董卓。此皆干紀亂常。存滅興亡。所繫既有
關時政。故不可闕書。但近史所刊。有異於是。至如不才
之子。羣小之徒。或陰情醜行。或素餐尸祿。其惡不足以
曝揚其罪。不足以懲戒。莫不搜其鄙事。聚而爲錄。不其
穢乎。抑又聞之。十室之邑。必有忠信。而斗筭之才。何足

算也。若漢傳之有傳寬、析、欽，蜀志之有許慈、宋潛之虞
正、進、魏、史之王憲，若斯數子者，或才非拔萃，或行不逸
羣，徒以片善取知，微功見識，闕之不足爲少，書之唯益
其累。而史臣皆責其譜狀，徵其爵里，課虛成有，裁爲列
傳，不亦煩乎？夫名刊史冊，自古攸難，事列春秋，哲人所
重，筆削之士，其慎之哉！

秦嘉妻徐

玉臺新詠秦嘉贈婦詩序云：嘉爲上郡掾，妻徐淑，疾還家，不獲而別。贈詩云：爾淑

答詩畧云：妾身兮，今不合，感疾兮，今來歸。曠廢兮，侍觀情，敬兮，有違君，今兮，奉命遠適兮，京師。悠悠兮，離別夢，想兮，容輝恨，無兮，羽翼，高飛兮，相追。藝文類聚：淑復嘉書云：昔詩人有飛蓬之感，班姬有誰策之歎。素琴明鑑，當待君還，未奉光儀，寶釵不列。爾明錄淑畫，固流涕嫂問之日，適見嘉白，說往津亭，鄉病亡一客，賚

書還日中當至舉家詣祀妻蔡後漢書列女傳陳留
大驚害至事如夢董祀妻者同郡蔡邕
之女也名琰字文姬博學有才辯又妙於音律適河
東衛仲道夫亡無子與平中天下喪亂為胡騎所獲
沒於南匈奴左賢王在胡中生二子曹操素張禕晉
與邕善遣使者以金璧贖之而重嫁於祀張禕書
忠義傳張禕吳郡人少有操行恭帝踐祚劉裕以禕
帝之故吏素所親信封藥酒一襲付禕密令鴆帝禕
所受命歎曰鴆君求生何面目視息世間哉不如死
也因自飲之而死宋書楊傳見之易代
之史體自應爾鈕璽左傳宣鮑昭宋書臨川王傳義
可無闕如之譏公二年鮑昭慶為宗室之表招
聚文學之士東海鮑照等引為佐使照字明遠文辭
瞻逸為河清頌序甚工世祖好為文章自謂物莫能
及照惜其旨為文多鄙言累句當世咸謂照才三叛
盡實不然也按唐人避武后諱璽多作鮑照
左傳昭公三十一年齊豹為衛司寇作而不義其書
為盜邪庶其苦牟夷邪黑肱以土地出不求其名賤
而必書所以懲肆而去貪也春秋書齊豹漢書樊
豹曰盜三叛人名以懲不義其善志也傳斬酈夏侯

蓋傳新周同傳按傳新恐當作傳周蓋許慈慈慈慈
上人中敘功惟傳寬周繼事最少也
字仁篤又有胡潛字公典並為博士典掌舊文與相
克伐書伯有無不相通借時等楚趙其於已姑彼至
於虞正進除宋臺令書史臣曰諸將起自豎夫心一
此虞正進除宋臺令書史臣曰諸將起自豎夫心一
乎主百死而不顧王憲魏晉王憲傳憲字顯則北海
遂饗封侯之報王憲魏晉王憲傳憲字顯則北海
猛孫也厚禮待之進爵劇斷侯
卒年八十九按北史憲作嚙

論其嚴正自
重以後以鍾
體爲史者蓋
絕同由宋八
之方年行子
元窮盡之力
亦自不少

覈才

夫史才之難。其難甚矣。晉令云。國史之任。委之著作。每
著作郎初至。必揆名臣傳一人。斯蓋察其所由。苟非其
才。則不可叨居史任。歷觀古之作者。若蔡邕。劉峻。徐陵。
劉炫之徒。各自謂長於著書。達於史體。然觀侏儒一節。
而他事可知。案伯喈於朔方上書。謂宜廣班氏天文志。
夫天文之於漢史。實附贅之尤甚者也。必欲申以掎摭。
但當鋤而去之。安可仍其過失。而益其蕪累。述史如此。
將非練達者歟。孝標持論談理。誠爲絕倫。而自敘一篇。
過爲煩碎。山栖一志。直論文章。諒難以偶迹遷固比肩。

此亦公論
書是其顯
論矣

甘言之言分
明之義散持
偏隨不可爲
史即以東坡
之二五散文
亦自云其外
此亦公論家
所作詩文亦

陳范者也。孝穆在齊，有志梁史，及還江左，書竟不成。嗟乎！以徐公文體而施諸史傳，亦猶灞上兒戲，異乎真將軍。幸而量力不爲，可謂自卜者審矣。光伯以洪儒碩學，而述邇不遇，觀其銳情自敘，欲以垂示將來而言皆淺俗，理無要害，豈所謂誦詩三百，雖多亦奚以爲者乎？昔尼父有言：文勝質則史。蓋史者當時之文也。然朴散淳銷，時移世異，文之與史較然異轍。故以張衡之文而不閑於史，以陳壽之史而不習於文。其有賦述兩都，詩裁八詠，而能編次漢冊，勒成宋典，若斯人者，其流幾何？是以畧觀近代，有齒跡文章而兼修史傳，其爲式也，羅含

大略可睹而
尚豐隆平集
中即大祖一
論已大垂史
體矣

謝客。宛爲謫頌之文。蕭繹江淹。直成銘贊之序。溫子昇。尤工複語。盧思道雅好麗詞。江總猖獗以沈迷。庾信輕薄而流宕。此其大較也。然向之數子。所撰者。蓋不過偏記雜說。小卷短書而已。猶且乖濫躋駁。一至於斯。而况責之以刊勒一家。彌綸一代。使其始末圓備。表裏無咎。蓋亦難矣。但自世重文藻。詞宗麗淫。於是沮誦失路。靈均當軸。每西省虛職。東觀佇才。凡所拜授。必推文士。遂使握管懷鉛。多無銓綜之識。連章累牘。罕逢微婉之言。而舉俗共以爲能。當時莫之敢侮。假令其間有術同彪嶠。才若班荀。懷獨見之明。負不刊之業。而皆取窘於流。

俗見嗤於朋黨。遂乃哺糟歠醕。俯同妄作。披褐懷玉。無由自陳。此管仲所謂用君子而以小人參之。害霸之道者也。昔傳元有云。觀孟堅漢書實命代奇作。及與陳宗尹敏杜撫馬嚴撰中興紀傳。其文曾不足觀。豈拘於時乎。不然。何不類之甚者也。是後劉珍朱穆盧植楊彪之徒。又繼而成之。豈亦各拘於時而不得自盡乎。何其益陋也。嗟乎。拘時之患。其來尙矣。斯則自古所歎。豈獨當今者哉。

晉令

隋書經籍志晉令四十卷晉書職官志著作郎始到職必撰名臣傳一人

侏儒一節

吳志潘濬傳注武陵部從事樊仙叛外白差萬人往討濬曰五千兵足可擒仙仙實無才昔嘗爲州人設

饌比至日中食不可得而十餘朔方上書後漢書蔡邕傳邕字

伯喈拜郎中校書東觀對災咎譏刺寵臣下獄減死

徙朔方上書自陳奏其所著十意注自陳曰臣白在

布衣常以爲漢書十志下盡王莽光武以來唯記紀

傳無續志者故太傅胡廣畧以所有舊事與臣臣欲

刪定者一所當接續者四前志所無臣欲自敘山栖

著者五分別首日并書章左唯陛下留神自敘山栖

劉峻見補注篇又梁書文學傳因遊東陽紫巖山築

室居焉爲山栖志其文其美又嘗爲自序曰余自比

馮敬通而有同之者三異之者四按孝穆在齊陳書

直論文章句義不可曉恐有譌字

傳陵字孝穆太清二年兼通直散騎常侍使魏會齊

受禪陵累求復命終拘留不遣及齊送貞陽侯爲梁

嗣乃遣陵隨還陳天嘉年領大著作按光伯白敘書
在齊有志梁史之語本傳本集皆不見
儒林傳劉炫字光伯納言楊達舉炫博學射策高第
除太學博士歲餘歸河間於時盜賊蜂起教授不行
乃自爲贊曰通人自敘風徽余敢仰均先達徒以兩
日迫桑榆門徒雨散殆及餘喘薄言胸臆云云

都兩都賦班固八詠入詠沈約撰隱侯本集一登臺

者撰見載文篇八詠望秋月二會圃臨春風三歲暮

愁衰草四霜來悲落桐五久行聞夜鶴六晨征聽曉

鴻七解珮去朝市八被褐守山東蘇詩王注沈約為

東陽太守作八羅含晉書文苑傳羅含字君章嘗夢

詠寫於樓上羅含一鳥文彩異常飛入口自此藻

思出新太守謝尚稱曰湘中琳瑯於城西小洲上立

茅屋布衣蔬食晏如也徵正員郎轉廷尉致仕門施

行謝客於自然時有不拘是其精柏謝宏毅傳客兒

馬謝客於自然時有不拘是其精柏謝宏毅傳客兒

靈運小字靈苑靈運生於會稽其家以子孫難蕭繹

得送於錢塘杜明師養之十五方還故曰客兒蕭繹

蕭繹即梁元帝梁書本紀初封湘東王頗有高名與

裴子野劉顯蕭子雲為布衣之交著作多行於世

江淹微退時人謂之才盡所著述百餘篇并齊史十

志溫子昇見敘盧思道北史盧元傳元之孫思道才

道多所非毀周平齊追赴長安終江總陳書江總傳

散騎侍郎參內史事集三十卷江總字總持家

傳賜書晝夜尋讀文傷於浮豔後主之世總當權宰

日與宴遊後庭共陳喧孔範等十餘人謂之狎客

庾信北史文苑傳庾信字子山父肩吾為梁中庶子

子東宮出恩莫與比隆文並綺豔世號徐庾體焉

元帝即位聘於西魏屬大軍南伐遂留長安累遷開

府儀同三司踏駿莊子未篇惠施多方其道踏駿沮誦失

路升庵外集按沮誦失路借言古筆不行也又詳史

官靈均當軸別有名字所謂正則靈均蓋離騷自寓

靈均當軸借言以傳元有言所撰論三史故事評斷

詞人當史局也陳宗後漢書班固傳顯宗召固詣授

得失中語也陳宗後漢書班固傳顯宗召固詣授

傳穀者非是陳宗後漢書班固傳顯宗召固詣授

陳宗長陵令尹敏共成世祖本紀固學紀聞論衡云

陳平仲紀光武功德頗可觀見未詳平仲何人按問

徵君若璩據班固尹敏袁宏後漢紀南陽人尹敏字

傳推知是陳宗字尹敏幼季才學深通上言讖書多

近語俗辭上非之官杜撫馬嚴後漢書馬援傳援兄
止長陵合與班彪善杜撫馬嚴子嚴字威卿明德皇
后既立嚴慮致譏嫌徙北地皇后勅使移居洛陽顯
宗召見嚴進對問雅詔留仁壽閣與校書郎杜撫班
固等雜定劉珍後漢書劉珍字秋孫永初中
建武注詔劉珍後漢書劉珍字秋孫永初中
觀百家又詔與駙駘朱穆後漢書朱暉傳暉子穆字
作建武以來名臣傳朱穆公叔拜尚書所著論奏二
十篇及卒蔡邕與門人共述其體行諡盧植後漢書
為文忠先生按傳中不及朱穆續史事盧植傳
植字子幹拜議郎與馬日磾楊彪後漢書楊彪字文先熹
蔡邕楊彪韓說等補續漢紀楊彪曾孫彪字文先熹
平中公車微拜議郎注華嶠書
日與日磾植邕等著作東觀

序傳

蓋作者自敘其流出於中古乎。案屈原離騷經其首章上陳氏族。下列祖考。先述厥生。次顯名字。自敘發跡。實基於此。降及司馬相如。始以自敘爲傳。然其所敘者。但記自少及長立身行事而已。逮於祖先所出。則蔑爾無聞。至馬遷又徵三閭之故事。放文園之近作。模楷二家。勒成一卷。於是楊雄遵其舊轍。班固酌其餘波。自敘之篇。實煩於代。雖屬辭有異。而茲體無易。然自敘之爲義也。苟能隱己之短。稱其所長。斯言不謬。卽爲實錄。而相如自序。乃記其客遊臨邛。竊妻卓氏。以春秋所諱。持爲

美談雖事或非虛而理無可取載之於傳不其愧乎又王充論衡之自紀也述其父祖不肖爲州閭所鄙而已答以瞽頑舜神鯀惡禹聖夫自敘而言家世固當以揚名顯親爲主苟無其人闕之可也至若盛矜於已而厚辱其先此何異證父攘羊學子名母必責以名教實三千之罪人也夫自媒自衒士女之醜行歷觀揚雄已降其自序也始以誇尙爲宗至魏文帝傅元陶梅葛洪之徒則又踰於此者矣何則身兼片善行有微能皆剖析具言一二必載豈所謂憲章前聖謙以自牧者歟又近古人倫喜稱閥閱其華門寒族百代無聞而駢角挺生

頃律疑是殷
律之訛因其
子次然自知
爲般人事以
聲近而爲道
寧坡迂是晏
所定語因晏
子書留書
存以俟考

離騷陳氏族

屈平離騷經帝高陽之苗裔兮朕皇考曰伯庸攝提貞於孟陬兮惟庚寅吾以

降皇覽擢余於初度令肇錫余以相如自敘爲傳漢

書司馬相如傳無自敘明文證之後史知其言固有本隋書劉炫傳自爲贊曰通儒司馬相如揚子雲馬

李卿鄭康成等皆自敘風徽傳芳來竊妻漢書司馬

葉云云蓋子元之前古人已言之矣相如傳相

如遊梁歸臨印令王吉為具召之時卓王孫女文君

新寡相如以琴心挑之文君夜亡奔相如遂與馳歸

成論衡自紀論衡自紀篇王充者會稽上虞人也字

都國因家焉以農桑為業世祖勇任氣怨讎眾多祖

父汎擔載就安錢唐縣生子二蒙誦誦即充父與豪

家丁伯等結學子名母戰國魏策宋人有學者三年

怨徙處上虞反而名其母母曰名我何也

其子曰堯舜名天地名母賢不過堯舜大不過天地

是以名母也母曰子於學盡行之乎將有所不行也

願子之且以三千之罪孝經五刑篇子曰五刑之

名母為後也屬三千而罪莫大於不孝揚

雄自敘漢書揚雄傳注晉灼曰晉大夫無揚侯師古

雄自敘曰雄之自敘諸牒稱揚侯蓋疎謬也據此可

見雄傳皆自敘之文魏文帝與論自序歷述平董卓

其說必有所受也脫張繡及論射擊劍彈

碁之事皆傳元元字休奕見書事篇作陶梅

著於篇傳元傳子三篇其自敘本見陶梅陶世說

方正注梅頤弟陶字叔真王敦咨議參軍晉書祖述
兄納問梅陶曰君鄉里立月且評何如曰善襄惡貶
佳法也王隱在坐曰尚書三載考績何得月行襄貶
陶曰此官法也月旦私法也按陶生許劭之鄉好議
論自按之作葛洪抱朴子自按余抄按衆書撮其精
或是其人葛洪要或曰玉屑盈車不如全璧答曰
泳員流者採珠而捐蚌登荆山者拾玉而弃石余猶
摘孔翠之藻羽脫犀象之角牙矣其自序世系晉書
本傳畧儀父振鐸大戴帝繫篇顓頊元孫陸終娶鬼
採之儀父振鐸方氏產六子其五日安是爲曹姓
曹姓者邾氏也通志氏族畧武王封安之苗裔邾挾
爲附庸下至儀父始見於經按邾儀父乃曹之後非
曹之先也劉言稍借史記曹叔振鐸者周始均李陵
武王弟也武王既克殷紂封振鐸於曹始均李陵
魏書序紀黃帝以土德王北俗謂土爲托謂后爲跋
故以爲氏其裔始均入仕堯世命爲田祖爰歷二代
始均之裔不交南夏積六十七世至成皇帝諱毛立
威振北方宋書索虜傳索頭虜姓托跋其先李陵後
也按舊本始均作淳維淳維是匈奴河內馬祖按史記
奴遠祖與拓跋無涉拓通作托託河內馬祖太史公

自序及晉書帝紀同以漢初河內司馬卬爲祖史通
謂彪說不同是司馬彪九州春秋敘姓別有所祖也
侯吳興沈先沈約宋書自序沈子國今汝南平輿沈
考光武封爲海昏侯辭不受避地徙居會稽烏程縣
之餘不鄉遂世家焉順帝分會稽爲吳郡靈帝分烏
程爲永安吳孫皓分吳郡爲吳興郡晉平吳改永安
爲武康史臣七世祖延始居縣東博陸里餘烏村按
南史沈炯傳亦云吳興武康人真律寧楹未冒纂伯
史通云炯言有異未詳所本
僑漢書揚雄傳其先出自周伯僑者家傳熊繹漢書
敘傳班之先與楚同姓令尹子文之後也子文初生
虎乳之楚人謂虎爲班因氏焉按熊繹楚先君也
敬他孝經聖治不愛其親而敬他人者謂之悌禮

惟尋蓋致持
言平允乎元
窮得此圓通
之論

甚字舊作非
字是

通人之論

煩省

昔荀卿有云。遠畧近詳。則知史之詳畧不均。其爲辨者
久矣。及于今。昇史議。歷詆諸家。而獨歸美左傳。云正明
能以三十卷之約。括囊二百四十年之事。靡有孑遺。斯
蓋立言之高標。著作之良模也。又張世偉著班馬優劣
論云。遷敘三千年事。五十萬言。固敘二百四十年事。八
十萬言。是班不如馬也。然則自古論史之煩省者。咸以
左氏爲得。史公爲次。孟堅爲甚。自魏晉已還。年祚轉促。
而爲其國史。亦不減班書。此則後來逾煩。其失彌甚者
矣。余以爲近史。蕪累誠則有。諸亦猶古今不同勢。使之

昭襄二字倒書

然也。輒求其本意。畧而論之。何者。當春秋之時。諸侯力爭。各閉境。相拒。關梁不通。其有吉凶大事。見知於他國者。或因假道。而方聞。或以通盟。而始起。苟異於是。則無得而稱。魯史所書。實用此道。至如秦燕之據有西北。楚越之大啓東南。地僻界於諸戎。人罕通於上國。故載其行事。多有闕如。且其書自宣成以前。三紀而成一卷。至昭襄已下。數年而占一篇。是知國阻隔者。記載不詳。年淺近者。撰錄多備。此正明隨聞見而成傳。何有故爲簡約者哉。及漢氏之有天下也。普天率土。無思不服。會計之吏。歲奏於闕廷。輶軒之使。月馳於郡國。作者居府於

京兆徵事於四方。用使夷夏必聞。遠近無隔。故漢氏之史。所以倍增於春秋也。降及東京。作者彌衆。至如名邦大都。地富才良。高門甲族。代多髦俊。邑老鄉賢。競爲別錄。家牒宗譜。各成私傳。於是筆削所採。聞見益多。此中興之史。所以又廣於前漢也。夫英賢所出。何國而無。書之則與日月長懸。不書則與煙塵永滅。是以謝承尤悉江左。京洛事缺於三吳。陳壽偏委蜀中。巴梁語詳於二國。如宋齊受命。梁陳握紀。或地比禹貢一州。或年方秦氏二世。夫地之偏小。年之窘迫。適使作者採訪易洽。巨細無遺。耆舊可詢。隱諱咸露。此小國之史。所以不滅於

大邦也。夫論史之煩省者。但當要其事。有妄載。苦於榛蕪。言有闕。書傷於簡畧。斯則可矣。必量世事之厚薄。限篇第以多少。理則不然。且必謂正明爲省也。若介葛辨犧於牛鳴。叔孫志夢於天壓。楚人教晉以拔旆。城者謳華以棄甲。此而畢書。豈得謂之省耶。且必謂漢書爲煩也。若武帝乞漿於柏父。陳平獻計於天山。長沙戲舞以請地。楊僕怙寵而移關。此而不錄。豈得謂之煩耶。由斯而言。則史之煩省。不中從可知矣。又古今有殊。澆淳不等。帝堯則天稱大。書惟一篇。周武觀兵孟津。言成三誓。伏羲止畫八卦。文王加以繫辭。俱爲大聖行事。若一其

典○後○不○類○懸○隔○如○斯○必○以○古○方○今○持○彼○喻○此○如○蚩○尤○黃○
帝○交○戰○阪○泉○施○於○春○秋○則○城○濮○鄢○陵○之○事○也○有○窮○纂○夏○
少○康○中○興○施○於○兩○漢○則○王○莽○光○武○之○事○也○夫○差○既○滅○句○
踐○霸○世○施○於○東○晉○則○桓○元○宋○祖○之○事○也○張○儀○馬○錯○爲○秦○
開○蜀○施○於○三○國○則○鄧○艾○鍾○會○之○事○也○而○往○之○所○載○其○簡○
如○彼○後○之○所○書○其○審○如○此○若○使○同○後○來○於○往○世○限○一○槩○
以○成○書○將○恐○學○者○必○訴○其○疎○遺○尤○其○率○畧○者○矣○而○議○者○
苟○嗤○沈○蕭○之○所○記○事○倍○於○孫○習○華○謝○之○所○編○語○煩○於○班○
馬○不○亦○謬○乎○故○曰○論○史○之○煩○省○者○但○當○求○其○事○有○妄○載○
言○有○闕○書○斯○則○可○矣○必○量○世○事○之○厚○薄○限○篇○第○以○多○少○

理則不然其斯之謂也

年淺近者撰錄多備

原注杜預釋例云文公已上六公書日者二百四十九宣公已

下亦六公書日者四百三十二計年數畧同而日數加倍此亦久遠遺落不與近同也是則傳者注書已

先覺令昇于寶字見世偉張輔字見介葛左傳僖公之矣

天壓左傳昭公四年初穆子去叔孫氏及庚宗遇婦人私而宿焉適齊夢天壓已弗勝顧而見人黑

而上僂號之曰牛助余乃勝之既立所宿庚宗之婦人獻以雉曰吾子長矣見之則所夢號之曰牛曰唯

遂使爲監有拔旆左傳宣公十二年郤之戰晉師奔寵卒亂其室

少進馬還又甚之拔旆以廣隊不能進楚人甚之脫屬出願曰吾不如大國之數奔也棄甲見言乞漿柏父

郭注上微行嘗夜至柏谷舍於逆旅因從乞漿主人翁曰無漿正有溺耳止疑上爲盜欲攻之主人媿

嗜上狀貌而異之止其翁翁不聽媿飲翁酒縛之乃殺雞爲食以謝客明日上歸召媿賜金千斤接漢武

故獻計天山

漢書高帝紀至平城為匈奴所圍七日

周美女問遺闕氏云欲獻之闕氏畏其奪已寵因謂

單于曰漢天子亦有神靈得其地非能有也於是開

一角得山鄭氏長沙戲舞王侯景十三王傳長沙定

注應劭曰景帝後二年諸王來朝有詔更前稱壽歌

舞定王但張翼小舉手左右笑其拙上怪問之對曰

臣國小地狹不足迴旋帝楊僕移關鼎三年冬徙函

乃以武陵零陵桂陽益焉楊僕移關鼎三年冬徙函

谷關於新安以故關為宏農縣注應劭曰時樓船將

軍揚僕數有大功恥為關外民上書乞徙東關以家

財給其用度武帝意亦好城漢鄢陵僖公二十八年

廣潤於是徙關三百里城漢鄢陵僖公二十八年

鄢陵事在成公十六年所謂有窮少康左傳襄公四

春秋晉楚三大戰之二也方衰也后羿因夏民以代夏政而淫於原獸奔武羅

伯因熊羆危圉而用寒浞寒浞伯明氏之讒子弟也

行媚於內而施賂於外樹之詐慝以取其國家又哀

公元年昔有過泲滅夏后相后綿方振逃歸有仍生

少康焉流求之羿有虞虞思妻之二姚而邑諸綸能
布其德以收夏眾使女艾謀流復禹之績祀夏配天
王莽光武二漢終始傳紀桓元宋祖晉書之叛臣及
忌等傳宋書之武帝紀及劉為秦開蜀戰國秦策司
道規等傳並載其事亦數卷馬錯與張儀
爭論於秦惠王前起兵鄧艾鍾會鍾會字士季太傅
伐蜀遂定蜀史記畧同鄧艾鍾會鍾會字士季太傅
繇少子也司馬文王以蜀將姜維字伯約大舉圍
蜀景元四年秋下詔使鄧艾統諸軍三萬餘人趨甘
松沓中綴維會統十萬眾分從斜谷路口入移檄蜀
將吏士民云云魏志蜀志及晉書文帝紀其事專
載夾載
不一册

此篇詳核而
精審

雜述

在昔三墳五典。春秋檮杌。卽上代帝王之書。中古諸侯
之記。行諸厯代。以爲格言。其餘外傳。則神農嘗藥。厥有
本草。夏禹敷土。實著山經。世本辨姓。著自周室。家語載
言。傳諸孔氏。是知偏記小說。自成一家。而能與正史參
行。其所由來尙矣。爰及近古。斯道漸煩。史氏流別。殊途
並驚。擢而爲論。其流有十焉。一曰偏紀。二曰小錄。三曰
逸事。四曰瑣言。五曰郡書。六曰家史。七曰別傳。八曰雜
記。九曰地理書。十曰都邑簿。夫皇王受命。有始有卒。作
者著述。詳畧難均。有權記當時。不終一代。若陸賈楚漢

春秋樂資山陽載記。王韶晉安陸紀。姚最梁昭後畧。此之謂偏紀者也。普天率土。人物宏多。求其行事。罕能周悉。則有獨舉所知。編爲短部。若戴逵竹林名士。王粲漢末英雄。蕭世誠懷舊志。盧子行知已傳。此之謂小錄者也。國史之任。記事記言。視聽不該。必有遺逸。於是好奇之士。補其所亡。若和嶠汲冢紀年。葛洪西京雜記。顧協瑣語。謝綽拾遺。此之謂逸事者也。街談巷議。時有可觀。小說卮言。猶賢於已。故好事君子。無所棄諸。若劉義慶世說。裴榮期語林。孔思尚語錄。陽玠松談藪。此之謂瑣言者也。汝穎奇士。江漢英靈。人物所生。載光郡國。故鄉

人學者編而記之。若圖稱陳留耆舊。周斐汝南先賢。陳壽益都耆舊。虞預會稽典錄。此之謂郡書者也。高門華冑。奕世載德。才子承家。思顯父母。由是紀其先烈。貽厥後來。若揚雄家課。殷敬世傳。孫氏譜記。陸宗系歷。此之謂家史者也。賢士貞女。類聚區分。雖百行殊途。而同歸於善。則有取其所好。各爲之錄。若劉向列女。梁鴻逸民。趙采忠臣。徐廣孝子。此之謂別傳者也。陰陽爲炭。造化爲工。流形賦象。於何不育。求其怪物。有廣異聞。若祖台志。怪于寶搜神。劉義慶幽明。劉敬叔異苑。此之謂雜記者也。九州土宇。萬國山川。物產殊宜。風化異俗。如各志

其本國足以明此一方。若盛宏之荊州記。常璩華陽國志。辛氏三秦。羅含湘中。此之謂地理書者也。帝王桑梓。列聖遺塵。經始之制。不恆厥所。苟能書其軌則。可以龜鏡將來。若潘岳關中。陸機洛陽。三輔黃圖。建康宮殿。此之謂都邑簿者也。大抵偏紀小錄之書。皆記卽日當時之事。求諸國史。最爲實錄。然皆言多鄙朴。事罕圓備。終不能成其不刊。永播來葉。徒爲後生作者削藁之資焉。逸事者。皆前史所遺。後人所記。求諸異說。爲益實多。及妄者爲之。則苟載傳聞。而無銓擇。由是真僞不別。是非相亂。如郭子橫之洞冥。王子年之拾遺。全構虛辭。用驚

愚俗此其爲弊之甚者也。瑱言者多載當時辨對流俗嘲諷。俾夫樞機者藉爲舌端。談話者將爲口實。及蔽者爲之。則有詆訐相戲。施諸祖宗。褻狎鄙言。出自牀第。莫不升之紀錄。用爲雅言。固以無益風規。有傷名教者矣。郡書者矜其鄉賢。美其邦族。施於本國。頗得流行。置於他方。罕聞愛異。其有如常璩之詳審。劉昫之該博。而能傳諸不朽。見美來裔者。蓋無幾焉。家史者事惟三族。言止一門。正可行於室家。難以播於邦國。且箕裘不墮。則其錄猶存。苟薪構已亡。則斯文亦喪者矣。別傳者不出胸臆。非由機杼。徒以博採前史。聚而成書。其有足以新

惟神仙之道
三句近鄙

志者之弊白
古已然

言加之別說者蓋不過十一而已。如寡聞末學之流則深所嘉尚。至於探幽索隱之士則無所取材。雜記者若論神仙之道則服食鍊氣可以益壽延年。語魑魅之途則福善禍淫可以懲惡勸善。斯則可矣。及謬者爲之則苟談怪異務述妖邪求諸宏益其義無取。地里書者若朱贛所採決於九州闕駟所書殫於四國斯則言皆雅正事無偏黨者矣。其有異於此者則人自以爲樂土家自以爲名都競美所居談過其實又城池舊跡山水得名皆傳諸委巷用爲故實鄙哉都邑簿者如宮闕陵廟街廛郭邑辨其規模明其制度斯則可矣。及愚者爲之

則煩而且濫。博而無限。論榱棟則尺寸皆書。記草木則根株必數。務求詳審。持此爲能。遂使學者觀之。晉亂而難紀也。於是考茲十品。徵彼百家。則史之雜名。其流盡於此矣。至於其間得失紛糅。善惡相兼。旣難爲覲。縷故粗陳梗槩。且同白鄒。無足譏焉。又案子之將史。本爲二說。然如呂氏淮南元晏抱朴。凡此諸子。多以敘事爲宗。舉而論之。抑亦史之雜也。但以名目有異。不復編於此科。蓋語曰。衆星之明。不如一月之光。厯觀自古作者著述多矣。雖復門千戶萬波。委雲集而言皆瑣碎。事必贅殘。固難以接光塵於五傳。並輝烈於三史。古人以比玉

屑滿篋良有旨哉。然則芻蕘之言明王必擇葑菲之體。詩人不棄。故學者有博聞舊事多識其物若不窺別錄。不討異書。專治周孔之章句。直守遷固之紀傳。亦何能自致於此乎。且夫子有云。多聞擇其善者而從之。知之次也。苟如是。則書有非聖言多不經。學者博聞蓋在擇之而已。

神農本草

宋艾晟本草序神農舊經止於三卷藥數百種梁陶隱居因而倍之唐書于志寧傳

帝問本草別錄對曰班固惟記黃帝內外經不載本草至齊七錄乃稱之世謂神農氏嘗藥以拯含氣而黃帝以前文字不傳至桐雷乃載篇冊然所載郡縣多在漢時疑張仲景華陀竄記其別錄者魏晉以來吳普李當之所記其言華葉形夏禹山經胡渭禹貢色附經為說故宏景合而錄之錐指山海

經十三篇劉歆以爲出於唐虞之際列子曰大禹行

而見之伯益知而名之夷堅聞而志之然其間可疑

甚多顏之推曰禹益所記而有長沙零陵諸賢後人

所屏也尤袁曰此先秦之書非禹伯翳作二說允當

世本辨姓漢書藝文志世本十五篇古史官記黃楚

漢春秋家篇山陽載記隋書經籍志山陽載記十卷

神錄晉安帝紀宋書王韶之傳韶之字休泰私撰晉

降封義熙九年善敘事按晉安帝紀卽陽秋也舊作安陸

誤又按北史有王韶乃隋之武臣此以屬對省之字

耳梁昭後畧隋書經籍志梁後畧十卷姚最撰竹林

名士隋書經籍志竹林七賢論二卷晉太子漢末英

雄隋書經籍志漢末英蕭世誠懷舊志隋書經籍志

雄記王粲撰殘缺蕭世誠懷舊志九卷

元帝撰按世誠元帝虛子行知已傳隋書經籍志知

字也諱繹見覈才篇虛子行知已傳一卷虛思

道撰按子行

汲冢紀年

陽紀年見六家皆簡編科斗文字郡齋讀書志云所得凡

八千五百一十四字詔

西京雜記

新舊唐書藝文志

和嶠等以隸字寫之

瑣語

隋書經籍志瑣語一卷葛洪撰按困學紀聞謂

拾遺

隋書經籍志宋拾遺十

語林

見書

語錄

通志宋齊

孔思談藪

直齋書錄解題談藪北齊秘書省正字北

述陳留耆舊

隋書經籍志陳留耆舊

汝南先賢

隋書

志汝南先賢傳

五卷魏益都耆舊

隋書經籍志益都

壽會稽典錄

隋書經籍志會稽典

揚雄家謀

見序

敬世傳

唐書藝文志殷氏

孫氏譜記

唐書藝文志孫

無撰

陸宗系脉

唐書藝文志吳郡陸

劉向列女

會稽

傳序劉向所序凡八篇隋志及崇文總目皆

稱十五篇嘉祐中蘇頌定其書復為八篇 梁鴻迺

民後漢書梁鴻傳仰慕前世高士為四皓以下 趙采

忠臣梁元帝撰趙采無考 徐廣孝子 新舊唐書載

三卷徐志怪隋書經籍志志怪二卷祖台之撰新舊

廣撰辰官侍中搜神記十卷子寶撰 幽明 隋書經籍志

光祿大夫搜神記十卷子寶撰 幽明 隋書經籍志

卷劉義異苑隋書經籍志異苑十卷荆州記 隋書經籍

慶撰宋臨川王侍華陽國志注見補三秦按三秦記後漢書

郎盛宏之撰華陽國志注見補三秦按三秦記後漢書

之以證登龍門語其書宜未 湘中 文獻通考經籍湘

亡而史志皆闕卷帙無考 湘中 文獻通考經籍湘

未陽羅含君章撰范陽盧拯注其書 關中 隋書經籍

頗及隋唐以後事則後人附益也 關中 隋書經籍

一卷潘岳撰按宋中 洛陽 隋書經籍志洛陽 三輔黃

圖漢人建康宮殿無洞冥漢郭憲洞冥記序武帝明

淨誕以匡諫洞心於道使冥迹之奧昭然顯著今王

籍舊史不載者撰洞冥記四卷按子橫憲字也

子年拾遺梁蕭繹拾遺記序拾遺記者晉隴西王嘉

趣過誕推理陳迹劉炳撰燉煌實錄二十卷涼書十

蓋絕世而宏博矣劉炳卷三史畧記八十四卷詳論

篇朱贛隋志地理書陸澄合山海經已來一百六

所列見存書皆無朱贛撰闕駟北史闕駟傳燉煌人

九州書名貴在零失中耶闕駟字元陰樂安王丕引

為從事中郎撰十州志唐

清莚文志十州志十卷

辨職

夫設官分職。佇績課能。欲使上無虛授。下無虛受。其難矣哉。昔漢文帝幸諸將營。而目周亞夫爲真將軍。嗟乎。必於史職求真。斯乃特爲難遇者矣。史之爲務。厥途有三焉。彰善貶惡。不避強禦。若晉之董狐。齊之南史。此其上也。編次勒成。鬱爲不朽。若魯之丘明。漢之子長。此其次也。高才博學。名重一時。若周之史佚。楚之倚相。此其下也。苟三者並闕。復何爲者哉。昔魯叟之修春秋。也不藉三桓之勢。漢臣之著史記。也無假七貴之權。而近古每有撰述。必以大臣居首。案晉起居注。載康帝詔。盛稱

自唐以後此
例不能以矣
在領局者調

荆得直任用
有這猶可救
弊之六半也

語雖甚善然
尚未能服
於後幅之叫
聲

著述任重理藉親賢遂以武陵王領祕書監尋武陵才
非河獻識異淮南而輒以彼藩翰董斯邦籍求諸稱職
無聞焉爾既而齊撰禮書和士開總知唐修本草徐世
績監統夫使辟陽長信指搗馬鄭之前周勃張飛彈壓
桐雷之右斯亦怪矣大抵監史爲難斯乃尤之尤者若
使直若南史才若馬遷精勤不懈若揚子雲諳識故事
若應仲遠兼斯具美督彼羣才使夫載言記事藉爲模
楷擗管操觚歸其儀的斯則可矣但今之從政則不然
故凡所引進皆非其才或當官卒歲竟無刊述而人莫
之省也或輒不自揆輕弄筆端而人莫之見也由斯而

言彼史曹者。崇屬峻宇。深附九重。雖地處禁中。而人同
方外。可以養拙。可以藏愚。繡衣直指。所不能繩。強項中
威。所不能及。斯固素餐之窟宅。尸祿之淵藪也。凡有國
有家者。何事於斯。職哉。昔子貢欲去告朔之餼羊。子曰
爾愛其羊。我愛其禮。又語云。雖無老成人。尙有典刑。觀
歷代之置史臣。有同嬉戲。而竟不廢其職者。蓋存夫愛
禮。恡彼典刑者乎。昔王明之修傳也。以避時難。子長之
立記也。藏於名山。班固之成書也。出自家庭。陳壽之草
志也。創於私室。然則古來賢儁。立言垂後。何必身居解
宇。跡參僚屬。而後成其事乎。

真將軍

至不得人，都尉曰：「軍中問將軍，令不聞天子。」

詔居無何，上至壁門，士吏曰：「將軍約軍中不得馳驅。」

天子乃接轡徐行，成禮而去。文帝曰：「嗟乎！此真將軍也。」

史佚傳：王為册書使，史逸告周公，後作册逸告孔倚。

相左傳：昭公十二年，左史倚相趨過，王曰：「是良史也。」

王孫圉曰：「有左史倚相，能道訓典，以敘百物，以晉起。」

胡夕獻善敗於寡君，使寡君無忘先王之業。晉起。

居注：又晉起居注三百一十七卷，宋北徐州主簿劉

道會武陵王，建元初，領秘書監，臨無學術，而有武幹。

為桓溫河獻淮南景皇帝子，被服造次，必於儒者山。

所忌。儒多從之遊，又淮南厲王傳禮書士開總知齊。

雖南王安好書，作內外書及中篇。禮書士開總知齊。

書恩倖傳和士開，解悟捷疾，世祖性好握槊，士開善。

此戲，因此親狎，世祖踐跡加開府，後主深委仗之，又。

先得幸於胡太后封淮陽王又魏收傳後主卽位收
掌詔誥除尙書右僕射總議監修五禮事奏請趙彥
深和士開徐木草世勛監統人舊唐書李勣傳勣曹州
之才共監木草世勛監統人舊唐書李勣傳勣曹州
太宗諱單名勣馬賜姓李氏封英國公父呂才傳右
監門長史蘇敬言陶宏景本草多外謬詔中書合許
敬宗與才及李淳風并諸名醫增損舊本仍辟陽長
令司空李勣總監定之並圖合咸五十四卷辟陽長
信荀悅漢紀從辟陽侯審食其爲右丞相初呂后獲
中事通鑑秦紀文信侯以舍人嫪毐爲周勃張飛記
宦者進太后太后幸之封毒長信侯周勃張飛記
絳侯世家絳侯周勃者沛人也爲材官引彊高祖初
起勃以中涓從攻戰木不爲材官引彊高祖初
爲太尉蜀志張飛傳飛字益德涿人也先主長阪之
走飛拒後據水斷橋瞋目橫矛曰身是張益德也敵
無敢近者所過戰克封西鄉侯諡桐雷帝主醫藥之
桓侯按益德華陽國志作翼德桐雷帝主醫藥之
臣有岐伯雷公作內經桐君能處方五應仲遠應劭字
人岐伯雷公作內經桐君能處方五應仲遠應劭字

自敘 史曹地處禁中舊唐書職官志歷代史官祿秘

篇 局於禁中在門下省北宰相監修國史遂成故事及

大明宮成置於門下省南館門東西有棗樹七十四

根至開元二十五年又移中語云雖無老成後漢書

書省北以舊尚藥局充館地

融性好士與蔡邕素善邕卒後有虎賁士貌類於成

邕融每酒酣引與同坐曰雖無老成人尚典型乃

書家庭後漢書此固傳固以父彪所續前史未詳乃

者郡士其書志私室晉書陳壽傳壽領本郡中正

顯宗甚奇之志私室魏吳蜀三國志既卒范頤

土表曰陳壽作志明乎得失願垂採錄

於是詔下河南尹洛陽令就家寫其書

自敘

予幼奉庭訓。早遊文學。年在絢綺。便受古文。尙書。每苦其辭艱瑣。難爲諷讀。雖屢逢捶撻。而其業不成。嘗聞家君爲諸兄講春秋左氏傳。每廢書而聽。逮講畢。卽爲諸兄說之。因竊歎曰。若使書皆如此。吾不復怠矣。先君奇其意。於是始授以左氏。朞年而講誦都畢。於時年甫十有二矣。所講雖未能深解。而大義畧舉。父兄欲令博觀義疏。精此一經。辭以獲麟已後。未見其事。乞且觀餘部。以廣異聞。次又讀史漢三國志。旣欲知古今沿革。厯數相承。於是觸類而觀。不假師訓。自漢中興已降。迄乎皇

家實錄年十有七。而窺覽畧周。其所讀書。多因假賃。雖部帙殘缺。篇第有遺。至於敘事之紀綱。立言之梗槩。亦粗知之矣。但於時將求仕進。兼習揣摩。至於專心諸史。我則未暇。泊年登弱冠。射策登朝。於是思有餘閑。獲遂本願。旅游京洛。頗積歲年。公私借書。恣情披閱。至如一代之史。分爲數家。其間雜記小書。又競爲異說。莫不鑽研穿鑿。盡其利害。加以自小觀書。喜談名理。其所悟者。皆得之襟腑。非由染習。故始在總角。讀班謝兩漢。便怪前書不應有古今人表。後書宜爲更始立紀。當時聞者。其責以爲童子何知。而敢輕議前哲。於是赧然自失。無

辭以對其後見張衡范曄集果以二史爲非其有暗合
於古人者益不可勝紀始知流俗之士雖與之言凡有
異同蓄諸方寸及年以過立言悟口多常恨時無同好
可與言者維東海徐堅晚與之遇相得甚歡雖古者伯
牙之識鍾期管仲之知鮑叔不是過也復有永城朱敬
則沛國劉允濟義興薛謙光河南元行冲陳留吳兢壽
春裴懷古亦以言議見許道術相知所有推揚得盡懷
抱每云德不孤必有鄰四海之內知我者不過數子而
已矣昔仲尼以睿聖明哲天縱多能觀史籍之繁文懼
覽者之不一刪詩爲三百篇約史記以修春秋贊易道

以黜八索。述職方。以除九丘。討論墳典。斷自唐虞。以迄於周。其文不刊。爲後王法。自茲厥後。史籍逾多。苟非命世大才。孰能刊正其失。嗟予小子。敢當此任。其於史傳也。嘗欲自班馬已降。訖於姚李。令狐顏孔諸書。莫不因其舊義。普加釐革。但以無夫子之名。而輒行夫子之事。將恐致驚末俗。取咎時人。徒有其勞。而莫之見賞。所以每握管歎息。遲回者久之。旣朝廷有知意者。遂以載筆見推。由是三爲史臣。再入東觀。每惟皇家受命。多歷年所。史官所編。粗惟紀錄。至於紀傳及志。則皆未有其書。長安中。會奉詔預修唐史。及今上卽位。又勅撰則天大

此段全摹莊
子天地篇

聖皇后實錄。凡所著述。嘗欲行其舊議。而當時同作諸
士。及監修貴臣。每與其鑿枘相違。齟齬難入。故其所載
削皆與俗浮沈。雖自謂依違苟從。然猶大爲史官所嫉。
嗟乎。雖任當其職。而吾道不行。見用於時。而美志不遂。
鬱怏孤憤。無以寄懷。必寢而不言。嘿而無述。又恐沒世
之後。誰知予者。故退而私撰史通。以見其志。蓋仲尼旣
歿。微言不行。史公著書。是非多謬。由是百家諸子。詭說
異辭。務爲小辨。破彼大道。故揚雄法言生焉。儒者之書。
博而寡要。得其糟粕。失其菁華。而流俗鄙夫。貴遠賤近。
傳茲牴牾。自相欺惑。故王充論衡生焉。民者冥也。冥然

罔知率彼愚蒙。墻面而視。或訛音鄙句。莫究本源。或守株膠柱。動多拘忌。故應劭風俗通生焉。五常異稟。百行殊執。能有兼偏。知有長短。苟隨才而任使。則片善不遺。必求備而後用。則舉世莫可。故劉劭人物志生焉。夫開國承家。立身行事。一文一武。或出或處。雖賢愚壤隔。善惡區分。苟時無品藻。則理難銓綜。故陸景典語生焉。詞人屬文。其體非一。譬甘辛殊味。丹素異彩。後來祖述。識昧圓通。家有詆訐。人相倚撫。故劉勰文心生焉。若史通之爲書也。蓋傷當時載筆之士。其義不純。思欲辨其指歸。殫其體統。夫其爲義也。有與奪焉。有褒貶焉。有鑒誠

焉有諷刺焉。蓋談經者惡聞服杜之嗤。論史者憎言班馬之失。而此書多譏往哲。喜述前非。獲罪於時。固其宜矣。猶冀知音君子。時有觀焉。尼父有云。罪我者春秋。知我者春秋。抑斯之謂也。揚雄少爲范滂劉歆所重。及聞其撰太元經。則嘲以恐蓋醬瓿。而桓譚以爲數百年外。其書必傳。其後張衡陸績。果以爲絕倫參聖。夫以史通方諸太元。今之君山。卽徐朱等數君是也。後來張陸。則未之知耳。嗟乎。儻使平子不出。公紀不生。將恐此書與糞土同捐。煙燼俱滅。後之識者。無得而觀。此予所以撫卷漣洏。淚盡而繼之以血也。

東海徐堅

舊唐書徐堅傳徐堅少好學遍覽經史王

典實楊再思曰此鳳閣舍人樣開元十三年改麗正

書院為集賢院以堅為學士副張說知院事堅多識

典故前後修撰格式氏牙期列子湯問篇伯牙善鼓

族及國史凡七入書府牙期琴鍾子期善聽曲每奏

子期輒窮其趣伯牙歎曰管鮑列子力命篇管夷吾

善哉善哉吾於何逃聲哉管鮑鮑叔牙二人相友甚

戚管仲嘗歎曰生我者永城朱敬則舊唐書朱敬則

父母知我者鮑子也

長安三年同鳳閣鸞臺平章事兼修國史張易之昌

宗嘗命畫工圖寫武三思等十八人形象號為高士

圖每引敬則固辭不就其高潔守正如沛國劉允濟

此與三從兄同居四十餘年財產無異

舊唐書劉允濟傳允濟少孤事母甚謹弱冠除著作

佐所嘗采魯哀公後十二世接戰國為魯後春秋長

安中兼義興薛謙光舊唐書薛登傳登本名謙光博

修國史義興薛謙光涉文史每談論前代故事必廣

引證驗有如目擊與徐堅劉子元齊名善友景雲中

拜御史大夫僧惠範恃太平公主權勢逼奪百姓將

加彈奏或請候之謙光曰憲臺理冤滯何所迴避朝
彈幕黜亦可矣遂奏之反爲所構出開元中轉太子
賓客以與太子同名勅河南元行冲舊府書元行冲
賜名登卒年七十三通狄仁傑甚重之性不阿順嘗謂仁傑曰下之事上
猶蓄聚以自資也肅脂膜以多願以小人備一桂以
防痾疾門下賓客堪充旨味者多願以小人備一桂以
物拜太常少卿行冲以本族出於後魏而未有編年
之史乃撰魏典三十卷事詳文簡爲學者所稱秘書
監馬懷素率詔行冲代其職表請通撰古今書目爲
羣書四錄按行冲嘗著論辯晉元帝出小吏牛金陳
之誣以昭成帝名健繼晉受命應牛繼馬後之識陳
留吳兢唐書吳兢傳兢貫知經史方直寡諸比魏元
辛年八十兢敘事簡核號良史初與劉子元撰定武
后實錄敘張昌宗誘張說誣證魏元忠事頗言說已
然可賴宋璟等激鳳凰苦切故轉禍爲忠不然皇嗣且
殆後說爲相讀之心不善知兢所爲卽從容謬謂曰
劉生書魏齊公事不少假借奈何兢曰子元已亡不
可受誣地下兢實書之其草故在說屢斷改辭曰徇

公之情何名實錄卒壽春裴懷古舊唐書良吏傳懷古為監察御史聖
不改世謂今董狐云蘇
厥中問知微充使往突厥懷古監其軍至虜廷默啜
立知微南面可汗將授懷古偽職懷古不從將殺之
抗辭曰寧守忠以就死不毀節以求生請就斬所乃
禁鋼隨軍後竄歸終幽州都督按所舉知友七人唯
懷古不參史觀史籍至
局故未及之覲於周書序原文
臣原注則天朝為著作佐郎轉左史今上初即位又
暫罷其任神龍元年以本官兼修國史會遷中書舍人
迄今不之改今之史館即古之東觀也法言贊見論
論衡傳見序風俗通後漢書應泰傳子劭字仲遠撰風
人物志魏志劉劭傳劭字孔才黃初中尚書郎作星
畧著樂論凡所撰述法典語隋書經籍志典語十卷
論人物志之類百餘篇典語別二卷並吳中夏
晉陸景撰亡新舊唐書藝文志陸景典訓十卷按是
書隋志云亡唐志乃有十卷而知幾又見之則亡者

當創別二卷也或作文心南史文學傳劉勰字彥和
語或作訓未知孰是
撰文心雕龍五十篇論古今文體其序畧云予齒在
逾立嘗夜夢執丹漆之禮器隨仲尼而南行寤而喜
曰唯文章之用實經典秘條五禮資之以成六典因
之致用於是論之既成沈約取讀謂深得文理常陳
之凡撰太元經漢書揚雄傳哀帝時雄方草太元有
案解之號曰解嘲雄好古而樂道用心於內不求於
雄時唯劉歆及范滂敬焉而鍾鹿侯芭嘗從雄居受
其太元書劉歆亦觀之謂雄曰空自苦吾恐
後人用覆瓿也桓譚曰必傳顧譚不及見也

史通削繁卷二終

嘉應廩生陳士荃校